

११२

दर्ता नं.: ४८/२०७६/७७

पुखां दयक तकागु सम्पति, भीमगु कला व संस्कृति
पिकाकु-भक्तपुर नगरपालिका



पुखां दयक तकागु सम्पति, भीमगु कला व संस्कृति

ब्लूस ट्रैन

नेपाल संवत् १९४३ दिलाथ्व / २०८० असार १५ / 2023 June / त्या: द६, वाँ५



भक्तपुर नगरपालिका



चौधौं नठरसमा उद्घाटन उपायोह

२०८० असार ६ चाते, बुधबार

भक्तपुर नगरपालिका



छण्ड नगरपालिकाया
हिंस्यकगु नगरक्षभा उलेज्या

चि.क.पा. या विदेश विभागया जनरल डाइरेक्टर स्थू मीन ख्वप नगरय्
(२०८० असार २ गते)



**यल महानगरपालिकाया अधिकृत स्तरया कर्मचारी पिनिगु अध्ययन
भ्रमण पुच: ख्वप नगरपालिकाय् (२०८० असार १ गते)**



सरकारं विपद व्यवस्थापनय् द्यान वियमः

थुगुसीया मनसुनी वर्षा सुरु जुल । दाय॑ दाय॑ पतिकं व वयो करोडौं करोडया सम्पति धु जुइगुनपां सलंस मनूत सीइगु फुक्कसिनं न्यडः खाड च्वंगू हे खः । अथेयां उकिता गथे म्हवचा जक याय् फै धाय्गुलि छुं काथंया कुतः जुयो च्वंगु मरु । सरकारं विपदया खाँय याइगु धाय्गु हे छुं भाति राहत इडः बिइगु खः । धात्यै धाय्गु खः सा राहत विय्गु स्वयो खुसी बः वइगु, पाँ न्हयाडः चलं वानिगु, मिं न्वइगु, धाकुफर्स स्यंकिगु थजगु घटनात म्हवचा याय्गुलि बिचः याय् मःगु खः ।

पहाड-पहाडय् संघ, प्रदेश व स्थानीय तहं लाँ दय्केगु धायो यो यो थें लाँ दयकगुलिं नं न्हयाडः वानिगु अलय, दाय॑ दाय॑ पतिकं न्हयाड वाना धाय्गु खाँ न्यनय् म्वायकेगु खःसा गां-गामय् ‘डोजरे विकास’ ता पानय मः । लाँ दयकिम्हा इञ्जिनियर हे डोजर डाइबर जुयो ज्या याकिथाय् लाँ न्हयाड वाना दक अजुचाय् मःगु छु दः दक ?

अः स्थानीय तह न्हपास्वयो अधिकारं जःगु तह खः । ७५३ गू स्थानीय तह मध्ये अपलं स्थानीय तह पहाडी भेगय् ला । अजगु स्थानीय तहं दाय॑ दाय॑ पतिकं विपद गथे म्हवचा याय् फै धाय्गु विषयसं ज्या इवः त दय्क ज्या न्हयाकसा पक्का नं अपलं म्हवं न्हयाड-वानिगु म्हवचा मज्हू हे मखु । स्थानीय तहं थःथाय् च्वंपु ल्यासे ल्याम्होपिन्ता विपद म्हवचा याय्गु विषय तालिम बियफः । मःगुथासय् सिमाचा पिय फः । यो यो थें लाँ दय्क मबियगु नपाँ ग्यापुगु (जोखिम) थाय्या बस्ती ल्हयय फः । थजगु ज्याजक स्थानीय तहं याय् फः सा अपलं-म्हवं विपद पानय् फै ।


वर्षाया इलय सडक दुर्घटना नं अपलं जुयो च्वनि । गुकीं अपलं धन-जन क्षति जुयो च्वनि । पहाड - पहाडय् यो यो थें लाँ दय्क यंकगुलिं हे सडक दुर्घटना जूगु खः । उकिता लाँ दयकिपु ठेकेदारपिन्ता जिम्मेवार याय्मः । लां याडः सुं मनूत सीत धःसा, अड्ग भंडग जुइक घः पः जुलधः सा लाँ दयकपु ठेकेदारपिन्ता ज्वडः ज्यान मुद्दा चले याय्गु कानूनी व्यवस्था याय् फःसा ठेकेदारत सचेत जुयो लाँ बालाक, भिंक दय्की ।

मौसमविद् पिसं अः १२ लाख स्वयो अपलं मनूत जोखिमय् लाडः च्वंगु दः जक धायो च्वंगु दः । थजगु खाँ सिइकं-सिइकं नं गथेयाःसा थुकिता पानय् फै, अमिता भिंकः तय्फै धाय्गु खाँय् छुं हे ज्या यागु खानय मरु । थीथी विपदया घटना जुइगु अलय अजथाय् राहत बिइगुलि हे छ्यापं नयता जुइ पिसं विपदया खाँ बयबय याडः जुई । अलय छु यासा पानय फै धाय्गु ज्या याई मखु । अजगु विपदं ज्यान काइगु अपलं गरिबतय्गु हे खः । गुब्लेतक सरकारं गरिब जनताया जिउज्यानया सुरक्षा याय्गुलि बिचः याइमखु उब्लेतक विपदया समस्या, ज्यंकय् फैमखु । उकीं थुगुसीया वर्षा सुरु नपां बिपद म्हवचा याय्गुलि संघ, प्रदेश व स्थानीय तह स्वंगूतुं तहया सरकारं बिचः मयासें मगा ।

पिकाक-खप नगरपालिका/सम्पादक-आशाकुमार चिकंबज्जार, डेस्कटप-धन लक्ष्मी त्यात, आवरण सज्जा-रेणु धवज्, थाकू- भक्तपुर अफसेट प्रिन्टर्स फोन ल्या: ०१-६६१३०४३, इ-मेल- khwopapau@gmail.com

સચ્છિત હિનેગૃહ ખવપ પૌ. બાંધિ પૌ(પાક્ષિક)

સચ્છિત લિપાયા ખવપ દે



- નારાયણમાન બિજુવલો (રોહિત)

વ ફુક્ક અ: ન છ્યલ: તલા તિનિ। ઉકિં થુગુ ખવપ દેતા વિદેશી વિદ્વાનપિસં ‘સ્વાડઃ ચ્વંગુ સ્મારકયા સંગ્રહાલય’ જક ધાયો વગુ દ:।

લાંજુ વં ધાધાં યંકલ - અ: થુગુ ખવપ દે યા છગ્ગ નેગુ ધ્વાકાત, પઃખ: ત થુગુ શતાબ્દીજક લહવનય્-કાનય્ યાગુ ખ:। થૈ પઃખ: દુનયયા પુલાંગુ ખવપ દેશય્ છગ્ગ લાખ જનતાત ચ્વડઃ ચ્વંગુ દ:। અલય્ બચ્છી ધાયથેં પર્યટકપું ખ:। વિદેશી પર્યટકપું ન્હિચ્છયા થયં મથયં ડાઢ્વતિ થાના દ્વા હું વૈ। ઉકિ મધ્યે સ્વબ્વવય છબ્વ થાના હે ચ્ચિચ્છ ન્હિચ્છી ચ્વડઃ વાનિ। બહની અમિસં થી થી સાંસ્કૃતિક જ્યા ઇવ:ત સ્વર્વ નેપ: યા થી થી જાત-જાતિ વ ભાય્ લ્હાઇપું મનૂતય્ગ થ:ગુ પહ: યા નસા, જ્વલંગા સબ: કાઈ। સુથાય્ અપું નગરકોટ, ચાંગુ, સૂર્યવિનાયક, લહસાપાકવ સસુદ્યો થજગુ, દેગાલય, ગેર્ડ, પાર્કય થજગુ હાયુંકિગુ થાસય્ ચા: હિલિ। આના હે દ:૦૦ તા ઇલય્ ચિયા ત્વડઃ સુથાય્યા કૌલા યાઈ।

નિનય ત:પુખુ (સિદ્ધપુખુ), ભાજ્યાપુખુ, ન:પુખુ, યાતુ બારય (કમલપુખુ) પુખુ, ન્હ પુખુ (રાની પુખુ) લિ તયો ત:ગુ ચિચ્યાચિચ્યાહાંગુ ડુડ્ગાખય્ ચ્વડઃ ચાહિલિ। નગરયા ત્વ: ત્વાલય ચાયક:ત:ગુ પસલય્ થ:તા યો યોગુ લ્યયો- લ્યયો સુથાય્યા જ્યના: યાઈ। અજુચાયપુગુ ખાં છુલય્ ધ:સા જ્યના નપાં ખવપયા જુઝુ ધાં ન તિ ધાયો કાયો નૈ। નપાં વાનિબલય્ પોષ્ટકારી છ્યવ: વા મિશ્રીપાક: છ્યવ: નં ન્યાયગું ત્વ: ફિઝિક મખુ ‘નેપાલી ચક્કલેટ’ ધાધાં।

લાંજુવં ધાધાં વાનિ- બહની જુય્વ સન્ધ્યાયા હ્યોલિભ: લય્ ત્વાલય્-ત્વાલય્ સાંસ્કૃતિક જ્યા ઇવ: ત તયો ચ્વનિ। બાંસુરી, ધિમાય્, દેવી પ્યાખં, નાગાચા પ્યાખં થન્યોગુ અપલં પુલાંગુ પ્યાખંત ક્યનયતા ચુક: ચુક્ક્ય દબુલી દબુલી ક્યડઃ તૈ। થાય્ થાસય્ ન્હ પહ:યા આધુનિક સદ્ગીત વ સાહિત્યયા જ્યા ઇવ: નં જુયો ચ્વનિ। વ ફુક્ક મ્યાં-પ્યાખંત વ સાહિત્યિક જ્યાઇવ: તયગુ ખાય્ય વિદેશી ભાષાં ચ્વયો ત:ગુ બચા હાંગુ મહાસિઝિકા પૌ ત ન દયક: તૈ નપાં હેડફોન ન્હયપનય્ તયો થ: તા યોગુ ભાષાં થુઝક: ન્યનિ।

ત્વ:- ત્વ: વ ગલ્લી યચુ-પિચુયો બાંલા, પર્યટકપું ન્હયાથાય્ સ્વસાં હૂલ-હૂલ દ:। ચિચ્યા-ચિચ્યાખાગુ છું ત: ત: ખાય ધુંકલ। અલય્ ચ્વ:જ:ગુ જ: ધ:સા માપદંડ કાથં હે જક દતા। દક્ષિણ પાખય્યા હનુમન્તે (ખોહે) ખુસી વ ઉત્તર પાખય્યા કાસન ખુસી નપાં મેમેગુ થાસય્ નં પુલાંગુ વ ન્હુંગુ ઘાટત નં દયક ત:ગુ દ:। અલય્ ત્યલ: ત:ગુ ફુક્ક જગાત લિતા કાયો ત: બ્યાક: તય ધુંકલ। ૫,૬, ફિટ તિ અથેધાય્ મહા લુકુંબિક: યા ના: ખુસી ન્હયાબ્લે

सचिष्ठत हिनेगग खप पौ. बःछि पौ(पाक्षिक)

न्ह्याडः च्वंगु दः । ब्रम्हायणी, माहेश्वरी, त्रिवेणी (हनुमानघाट / खोँहुँ चुपिंघाट, राममन्दिर व वाराहीघाटया जवं खवं या रेष्टुराँ व पसः त पर्यटकपिसं जायो च्वंगु जुल । पुलांगु नगरया चाकलीं अथेधायगु लिबालिदी, कमल बिनायक, ब्यासी, थजगु थासय् न्हूँगु पहःया बस्तीत महाविद्यालय, संस्थान व विश्व विद्यालयया विभाजन दयक तय् धुकल नपां छात्रावासत दः । अलय उगु न्हूँगु बस्तीख्य् बःचा हांगु किबा व सिमाचात बांलाक पिडः तःगु दः ।

छम्हा जापानी मिसाचा पर्यटक छम्हा खपपया पसल्याकय् थःगु भाषं न्यनि - छू जिता लच्छीतक नेवः परिवारय् च्वनयता थाय् बिय फैला ?' जापानी मिसाचां भोला जाय्क खपया सामानत न्याय् धुकल । व फुक्क खपया चुक्य् व गल्लीसं दयकगु खः । बुद्धा कियो तःगु सिंयायगु, ल्वहँयायगु, धातुयायगु अलय् काप यायगु उपहार बियगु सामानत नपां नेग-प्यांगु साफू नं वयायगु इवताखय् दः ।

छाय् मफैदकः, धात्यें हे याय् ! नेपालीं जापानी भाषं वयकता धायो च्वनि । 'थाना छि न्ह्यागुनं त्वालय च्वनय् फै, छिं थःगु म्हसिइका पौ (परिचय पत्र) व राहदानी क्यडः दिसें भः फुक्कमनाय् उलि हे खः । अलय् छिता योगु नसा, बजी अलय् नयगु ई काडः दिसैं छूं याय्म्हा अजि वा घरपतिं क्वथाया बन्दोबस्त नं याडः बिई ।

जापानी मैचां न्यनी - अलय् घरपति बा व मां पिसं नं जापानी भाय् ल्हाय् सैला ? खः थानाया न्ह्याम्हा नं मनूनं जापानी, जर्मनी व ल्याटिन भाय् ल्हाई अलय् थू । भुइभाय् (अंग्रेजी) या बच्छी मयाकं मनूतयसं थू । अलय् ल्हाय् सः । अलय् थानाया मनूतयसं चिनियाँ व मस्या भाय् नं ल्हाई ।

गथे ? जापानी मैचां न्ह्यसः तै ।


थानाया छम्हा ब्वनामिपिसं नेगु विदेशी भाय्ब्वनि । माद्यमिक तरिं ब्वनय धुकः मेमेगु भाय् नं ब्वनि, सय्की । थाना थी थी विदेशी भाय्या अपलं ब्वंकिगु संस्थान व महाविद्यालयत नं दः । नेपःमिं पाहाँ मय्जुया अजु चःगु न्ह्यसः या लुदांकः लिसः बिई ।

बहनी थाय् निसें फुक्क पुखुसिथय् रद्गीचद्गी भिलिमिली मतात च्याकः तै । चाकछिं फोहरां म्हूकः व वर्थे हायकः तःगु, म्हूकः तःगु नाखय् रद्गीचद्गी मतां लाय्लामा (इन्द्रेणी) स्वयो बांलाई । खप दे दुनय् छु नं यातायातया साधनत चले याय् मरू, उकीं याइमखु । फुक्क पर्यटकपुं मग्यासीं डायो हे चाहिल किपा काकां चाह्यू जुई । लायें देपा पाखं वानयगु व जःपा पाखं ल्याहाँ वयगु बन्दोबस्तं हल्लमूल जुयो ध्वातु ध्वाक जुय म्वँ । अलय् छम्हा - छम्हा मिजंपुं पर्यटक पिसं तका तपुली पयो दैसा मिसापुं पर्यटकपिसं गाचा, भोला (पुतुम्हिचा) घाडः च्वंगु मदै हे मखु ।

लाय्कुली, तः माही, दतात्रया चोक्य् व गल्ली फुक्क थासय् मताया जलं न्हिनय्यें च्वंकः जः ख्यडः बांलाडः च्वनि छम्हा क्यानाडेली ल्याम्होचां थः मिसाम्हा पासा (मतिनामि) ता डातापोल्हँ


सय वर्षपछिको

मत्तपु



सय वर्षपछिको

मत्तपुर



दःगु पोष्टकार्डय् पौ च्वयो च्वना - 'खप दे तस्कं अजुचायपुगु थाय् खः । सुथाय् पुलांगु सहर थें । न्हिनय्विश्व विद्यालय् थें अलय् बहनी / चान्हय् न्हूँगु पहः या तिसा वस पुडः च्वंम्हा थौं कन्हेया आधुनिक प्याखम्व वा सुन्दरी थें च्वं । जि लच्छी नेपालय् च्वनय् थानाया जनजीवन सय्के, सिइके, थुइके उब्लेतक छनं थ्यंक वझ धायगु आशा अलय् विश्वास याय् । थव धात्यें पृथ्वीया 'स्वर्ग' खः । थानाया मनूत तस्कं सोभा, सिधा अलय् गवाहाली याइपुं मिलनसार व तस्कं दया-माया दःपुं खः । नेपः दे छंता कतःया दे थें च्वनि मखु । थाना छंगु भाय् थूपुं जक मखु तस्कं बांलाक ल्हाय् नं सःपुं खः । अः थाना मतू नं मनूता क्वत्यलः शोषण याइ मखु ।'

थी थी देया पर्यटकपुं थः थः गु देया तिसा वस पुडः वा थःता योगु तिसा वसतं छाय्पियो उखय् थुखय् चाहिल जुइबलय् नपां थी थी भाय् व ल्हाडः च्वंगु सः न्यनय् बलय् धात्यें छंगु 'लसताया सहर वा दाच्छी तक तुं नखा-चखां भः भः धायो च्वंगु थाय् दक पर्यटकपिसं लय्तायो नुगः खाँ प्वंकः च्वनि ।

छम्हा चिनियाँ पत्रकारं नेपः या पासाता धाई-‘छु छिं सियाला थौं कन्हे हलिमय् दकलय् अपः किपा खप यायगु हे छाप्य् याइगु ।' भारतीय पासां थःगु मस्या (हिन्दी) भाषं खः धायो तान - 'थव खाँ यां जिं नं न्यडा ।'

उकीं धायो च्वना । 'नेपः यो खप दे चाह्यू मवल धःसा व हलिमयया बच्छी थाय् चा मह्यूगु ति ग्यनि ।'

(पुस २०५६)

सचिव हिनेगृह ख्वप पौ. बःछि पौ(पाक्षिक)

ख्वप नगरपालिकाया आ.ब. २०८०/८१ या नीति व ज्याइवः

- प्रमुख सुनिल प्रजापति

नेप: या संविधान काथं नेकगू स्थानीय तहया निर्वाचनं जिपुं नेकगू कार्यकालयालागिं त्याक-वयागु दाच्छी फुडः नेदाखय् ज्या साडः च्वडा । निवार्चनया इलय घोषणापत्र पाखं जनताता बियागु ब्रं छगू छगू यायां पू वांकय् गु ज्या न्ह्याकः च्वडा । शिक्षा, स्वास्थ्य, सम्पदा ल्यंकः म्वाकः तय् गु ज्या, सुचुकुचु, पर्यटन, त्वनय् गु नाः, ख्यः (पर्ति व सार्वजनिक) जगगा ल्यंकः तय् गु नपां विकास निर्माणया ज्या भीगु हदाय् लागू विषयत खः । भी जनप्रतिनिधिपिसं थःगु क्षमतां फक्व संविधान व दःयो च्वंगु कानुनया दुनय च्वडः, जनताया सेवा याय् ।

ख्वपदेया थौं या अवस्थाय् तक थंकय् ता नेपाल मजदुर किसान पार्टीया नेता, कार्यकर्ता, स्थानीय जनता, न्ह्यायाय् पुं जनप्रतिनिधि पिनिगु तः हांगु लाहा दः । थौयादिनय वयकपिनिगु योगदानया हना- बना याय् । वयकपिसं याडः द्यूगु योगदानं जिमिता मदिक्क जनताया सेवा यायगु घ्वासा जूगु दः ।

ज्या याय् गु इवलय जिमिसं भिंगु मति न्ह्याकागु ज्या खं नं गनां गुथायं मगा-मच, जूगु दःसा उकिता क्यडः द्यूसा ल्हवनय् गु मौका दै । जिमिगु चिच्या चिच्या हांगु ज्या याता हे क्वथिक स्वयो, छपु छपु ल्ययो स्वयो च्वंगु जिमिसं थुया ।

ख्वप देता ज्ञान विज्ञानया केन्द्र, सांस्कृतिक नगर व म्वाडः च्वंगु संग्रहालय काथं हछ्याड यंकय् गु ज्या त्वः मफिइक्सें यंकः च्वडागु दः । नेपाल मजदूर किसान पार्टीया (श्रद्धेय) हानयबहम्हा नायो भाजु नारायणमान बिजुक्छँ (रोहित) जूँ च्वयो द्यूगु 'सचिदा लिपाया ख्वप दे' साफूतिं ख्वप दे या थः गु मौलिक पहः ल्यंकः देया यचु-पिचुगु व तस्कं बांलागू नगर द्यक्केता लाँपु क्येसे 'छखा छूँ छम्हा स्नातक' द्यक्केगु अभियानं शैक्षिक लागाय् ख्वप देशय म्हवचा इलय् अपलं ह्यूपा वल । उगु अभियान ख्वप विश्वविद्यालय पलिस्था याडः म्हवचा धेबां देशां देखिया जनताता च्वय् थ्यंकया शिक्षा वियगु मौका या निंति मदिक्क कुतः याडः च्वनयैं नपाँ छुँ दा हाँ निसे ख्वप नगरपालिकापाखं चाय्कः तः गु कलेजय् थीथी विषयया स्नातकोत्तर तिं चाय्कतःगु दः ।

भी न्ह्यलुवापिसं छिगु पलाया ल्यू ल्यू ख्वप देता देया नमूना नगर व हलिमयया स्वय हायैंपुगु पर्यटकीय गन्तव्यस्थल द्यक्केता जिपुं मदिक्क कुतः याडः च्वनयैं ।

स्वायत्तता र विकेन्द्रीकरणता मदिक्क बः यासे नेप: या संविधान, सङ्घीयता व जनभावना काथं विकास निर्माणया ज्या



हज्याकः च्वडागु दः । संघ, प्रदेश व स्थानीय तह सूं सुयाय् गु अधिनय् च्वनय म्वगु स्वतन्त्र सरकार खः । नेप: या संविधानया भावना व मर्म नं थवहे खः । स्थानीय तहया लागिं कर्मचारी तय् गु स्थानीय तहं तलब नकः तःपुं शिक्षक पिन्ता संघया लाहातय् म्हुछिड तय् गु, अलय् छगू नेगू लाखया बःचा बः चा हांगु बडास्तरीय योजनात संघ व प्रदेशं याय् ता जुइगु संघीयता व प्रदेशया मूल्य व वान्यताया अखः खः । संघ व प्रदेश समानीकरण अनुदान अप्वयकः सर्त बजेट म्हवचा याडः यंकय् मःगुलि उकिया अखः अनुदान म्हवचा याडः सर्त बजेट अप्वयक यंकगु स्थानीय तहया स्वायत्तता व विकेन्द्रीकरणता संघ व प्रदेशया लाहातय् म्हुछिड तय् गु स्वगु खः । थजगु ज्या छूँ काथं हे स्थानीय तहया विकासया लागिं घ्वासा जुय फै मखु । ख्वप नगरपालिकां थुकिता रचनात्मक काथं कुंखिडः ल्हाडः यंकय् ता स्वापु दःगु पक्षया ध्यान सालय् गु ज्या याडः वगु दः ।

जिपुं निर्वाचित जुयधुकः छगू छगू विषयसं जनता नपां सल्लाह याडः ज्या न्ह्याकः वयो च्वडागु दः । जनताया छगू छगू समस्या ज्यंकेय् ता जिमिसं फक्व कुतः याडः च्वडागु दः । जिपुं जनताया सेवक खः, न्ह्याब्ले जनताया सेवाखय् थः ता पाडः हज्याय् ।

ज्या साडः नैपुं ज्यापु-ज्यामिया पक्ष ज्या यायता नेपाल मजदूर किसान पार्टीक्यांगु लाँपू हे जिमिगु ज्या सानयगु किपा खः। निः स्वार्थ जुयो देश व जनताया सेवा यायगु हे राजनीति खः धायगु बिचलं प्यापुं रवापुं जिपुं जनप्रतिनिधिपुं जनताता मदयकः मगागु आधारभूत समस्यात ज्यंकय्ता कुतः याडः च्वडा।

जिपुं समाजवादी विचारं रवापुं राजनीतिक कार्यकर्तात खः। भौतिक उत्पादन व सेवाया छगू छगू लागाय् राज्यया स्वामित्व अप्ययक यंकय्गु हे समाजवादी नीति खः। थःगु तुतिखय् हे दानयगु नीतिता बः ब्यू ब्यू ख्वप नगरपालिकां सम्पदायता भिं जुइगु ज्यायाता हदायतयो ज्या न्ह्याकः वयो च्वडागु दः। थवहे ख्वप देया थैया विशेषता जुयो च्वंगु दः।

ख्वप नगरपालिकां याडः च्वंगु थीथी पक्षया, अध्ययन यायता देया थीथी पालिकाया जनप्रतिनिधिपुं व कर्मचारीपुं ख्वपय् स्वः वयोंतुं च्वंगु दः। छगू नगरपालिकां शिक्षा, स्वास्थ्य, सम्पदा ल्यकः म्वाकः तय्गु ज्या, सुचुकुचु थजगु ज्या गथे तः लाक याय फता जक न्ह्यसः तयो दी नपां थःथःगु पालिकाय् नं ख्वप नगरपालिकां थें ज्यायायगु खाँ ब्याकी। उकिं ख्वपया जनताया थःगु ज्याया जिम्मेवारी अभ अपः दयो वगु मति वां। थुगु ज्याखाँ अजनं च्वजाय्केता थानाया जनताता दथवी तयो इमानदार जुयो जनताया सेवायायगु बचं बिसे आ.व. २०८०/८१ या लागिं नीति व ज्याइवः पिढवयः।

क) शिक्षा:

ताः ई निसें वैग आसय पिडः च्वंगु ख्वप विश्वविद्यालय पलिस्था यायता संसदं विधेयक पारित याकय्ता ख्वप नगरपालिकां मदिक्क कुतः याडः च्वनि। नपां विश्वविद्यालय पलिस्था यायता विज्ञपुचः दय्कः ज्या हछ्याई।

ख्वप नगरपालिकापाखं च्यागू शैक्षिक संस्थात चाय्कः देशां देलिया जनतातय्ता दांकः, भिंकः, बांलाक शिक्षा बियो वगुलि ब्वनामिपिनिगु मग काथं व मः काथेया स्नातक व स्नातकोत्तर तगिं सं न्हूँ न्हूँ ज्या इवः त ताँतां यंकी। कलेजतय्गु रवसालय थवनं हाँ थें तुं राष्ट्रिय सम्मेलनया रवस, रवसे मदिक्क न्ह्याकः ख्वप इन्जिनियरिडु कलेज व कलेज अफ इन्जिनियरिडुया रवसालय थी थी विषयया राष्ट्रिय व अन्तर्राष्ट्रिय सम्मेलन याई।

- स्थानीय पाठ्यक्रम ब्वंकिपुं शिक्षक पिन्ता इलय ब्यलय विशेष तालिमया व्यवस्था याई नपां विषयवस्तु नपां स्वापु दःगु सन्दर्भ सामग्री (रवाहाली ज्वलंत) पिथांथां यंकी। स्थानीय पाठ्यक्रम 'ख्वपको पहिचान' ता रवाहाली जुइगु काथं ख्वपया सामाजिक व संस्कृति पिज्वइगु काथंया सांस्कृतिक संग्रहालय द्यकेता पला न्ह्यांकी।

- ब्वनय कुथितय् दथवी शैक्षिक गुणस्तरमा धिंधिं बल्ला याकेगु

सचिष्ठत हिंगेगूगु ख्वप पौ. बःछि पौ(पाक्षिक)

नीति हछ्याई। हाजिरी जवाफ (न्ह्यसः लिसः, कासा), च्वखँ, साहित्य, किपा च्व ज्या नपां इलय व्यलय शैक्षिक ब्वज्या याडः फुक्क ब्वनयकुथिया शैक्षिक गुणस्तर भिं यंकय्गु ज्या इवः त न्ह्याकी। सामुदायिक ब्वनयकुथितय्गु शैक्षिक गुणस्तर थाकाय्गु ज्या इवः न्ह्याकी। सामुदायिक ब्वनयकुथिया शैक्षिक गुणस्तर च्वजाय्केता संस्थागत क्षमता, जनशक्ति छ्यला व बांलाक अनुगमन नपांया पला न्ह्याकी।

- च्वय् थ्यंकया शिक्षा ब्वनिपुं गरिब व विपन्न ब्वनामिपिनिगु लागिं ब्यू ब्यू वयो च्वंगु शैक्षिक (त्यासा) ऋणत ब्यू ब्यू इतिहास, भूगोल, संस्कृति, राजनीतिशास्त्र, नेपाल भाषा ब्वनिपुं ब्वनामिपिन्ता बियो वयो च्वंगु स्नातक निसे विद्यावारिधि तक्या ब्वनय् ज्या पूर्ण छात्रवृत्तिया व्यवस्था याई।
- नगर दुनयया मा.वि. तगिंतक्या ब्वनयकुथिसं गणित व विज्ञान प्रयोगशाला मस्थाय् छसिकाथं दय्कः बियगु जुई। ब्वनयकुथि परीक्षाया लिच्चवः स्वयो शिक्षक व ब्वनामिपिन्ता प्रोत्साहनया नीतिकाई।
- ब्वनामिपिनिगु ल्या स्वयो शिक्षक दरबन्दी म्हवचा जूगु ब्वनकुथिसं स्वयम सेवक शिक्षकपुं व्यवस्था याई। नपां ब्वनय कुथिसं नैतिक व व्यवहारिक शिक्षाया लागिं विस्कं अतिरिक्त विषय ब्वंकय् वियगु व्यवस्था याई।
- कलेज अध्ययन अध्यापन नपां अनुसन्धानया लागाय् नं बः याई। उकिया लागिं छगू छगू कलेजय् अनुसन्धान युनिटया लागिं मः काथंया बजेट छखय लिइकी।
- 'छगू ब्वनयकुथि छां सम्पदा लागाय् सचुकुचु' नीतिता व्यवस्थित नपां अभ बांलाक हछ्याय्गु ज्यायाई। ब्वनयकुथिसं स्काउट व कासा स्यनय्गु ज्या छसिकाथं ताँ तां यंकी।
- जनज्योति साफूकुथिता आधुनिक व सुविधां जःगु ब्वनयकुथि काथं च्वजाय्कः यंकी नपां वडा वडाय् च्वंगु पुस्तकालय व वाचनालयतानं व्यवस्थित याडः चाय्के बियो ल्यासे ल्याम्होपिन्ता ब्वनयमः धाय्गु भावनां रवाकः यंकी।
- ल्यासे ल्याम्होपुं ब्वनामिपिन्ता लागू पदार्थ (थर्वँ, ऐला गुलु) दुर्बर्यसनी मजुइकेता विज्ञपुं पाखं प्रबोधीकरण ज्या इवः हछ्याई।
- नगर दुनयया ब्वनयकुथिया शैक्षिक स्तर च्वजाय्केता विज्ञपिनिगु पुचः लं अनुगमनया व्यवस्था याई। ब्वनयकुथिपिन्ता बियो वयो च्वंगु अनुदानया धेबासं विज्ञपुचः या सिफारिसया लिधांसाय् ताडः विई।
- ब्वनयकुथि चाय्कः तःगु 'बालविकास केन्द्र' या गुणस्तर अजनं बांलाक यंकय्ता मः काथंया व्यवस्था याई। गृहिणी मिसा मस्तय्गु लागिं 'निरन्तर शिक्षा' चाय्की।

- अपाद्यगता जूपुं ब्वनामिपिन्ता व्यूं व्यूं वयो च्वंगु विशेष कक्षाता अभ बालाक यंकय्‌ता मः काथंया ग्वाहाली याय्‌गु नीति हछ्याई ।

ख) स्वास्थ्यः

- खवप अस्पतालय भौतिक सुधार नपां मः काथंया स्वास्थ्य उपकरणत व जनशक्तिया व्यवस्था याडु आधुनिक प्रविधि नपांया सुविधा जःगु अस्पताल काथं हज्याकी । उगु अस्पतालय सिटिस्क्यानया व्यवस्थाया लागिं मः काथंया बजेट व्यवस्था याई ।
- नगरया थी थी थास्य् चायकः तःगु आधारभूत स्वास्थ्य केन्द्र नगर स्वास्थ्य केन्द्र व जनस्वास्थ्य केन्द्रपाखं विशेषज्ञ चिकित्सक पिनिपाखं उपचार बिई । नगरबासी पिन्ता धेबा म्वायकः अक्सिजन इडः बियगु, धेबा म्वायकः हि बियगु, नपां गम्भिर ल्वय जूपुं ल्वगिपिन्ता बियो वयो च्वंगु धेबा मदिकसे बिई ।
- छूं छूं नर्सिंड सेवाता मदिकक न्ह्याकी नपां ज्या साडः च्वंपुं नर्स व स्वास्थ्य स्वयमसेविकापिनि पाखं नगरबासीपिनिगु छम्हा छम्हा सिया स्वास्थ्य विवरण दय्क अज बालाकः हछ्याई ।
- नागरिकपिनिगु मदिकक स्वास्थ्य परीक्षणया लागिं इलय व्यलय वडा वडाय् विशेषज्ञपुं नपां तयो स्वास्थ्य पुचः पाखं स्वास्थ्य शिविरत तयो अज बालाक यंकय्‌गु । ब्वनय्कुथि ब्वनिपुं ब्वनामि पिनिगु स्वास्थ्य परीक्षणया व्यवस्था याई ।
- आयुर्वेदिक स्वास्थ्य उपचारता वडा वडाय् चायकः यंकी । खवप नगरपालिका वडा नं १० बेखालय् दाडः च्वंगु स्वास्थ्यकेन्द्र चायकी नपां खवप नगरपालिका ७ वडा खँचाय् स्वास्थ्य केन्द्र दय्केगु ज्या हछ्याई ।
- स्वास्थ्य बिमाखय् सकल नागरिकपुं दुथ्याकय्‌ता नगरबासी पिन्ता ग्वाकः घ्वाय्‌गु जुई ।
- खवप च्याम्हासिंगय् चायक तयागु खवप तिलगंगा औंखा अस्पताल पाखं बिइगु सेवात समन्वयात्मक ढइगं हछ्याडु यंकी नपां स्वास-प्रश्वास पुनः स्थापना केन्द्रता अभ बालाक हछ्याई ।

ग) सम्पदा व संस्कृति :

- हनुमानघाट, चुपिंघाट, मद्गतिर्थ कासाड घाट, धालाखुसी थजगु तिर्थ स्थल नपां घाटत बालाक यंकयता गुरुयोजना दयकः स्थानीय जनता, आन्तरिक व बाह्य पर्यटकपिनिगु स्वय हायूंपुगु थाय् व अध्ययन अनुसन्धानया थायकाथं हछ्याय्‌गु याई ।
- खवपया कला, साहित्य, सम्पदा, वातावरण नपां संस्कृतिया अध्ययन अनुसन्धान याइपुं शोधकर्तापिन्ता न्हपा बियो वर्थें अनुदान मदिकसे बिई ।
- परम्परागत सांस्कृतिक विधात ल्यंकः म्वाकः व भिंकः तय्‌ता नगरस्तरीय धिंधिबल्ला याई । अलय सांस्कृतिक धिंधिं बल्ला याइगु संघ-संस्थाता आर्थिक ग्वाहाली नं याई ।

सचिष्ठत हिनेगूगु खवप पौ. बःष्ठि पौ(पाद्धिक)

- भीगु थःगु हे पहः परम्परागत शैलीं छूं दानीपिन्ता बियो वयो च्वंगु अनुदानत मदिकक बिई । उकियानिंति छुं सीमा व स्तर नं क्व छिई ।
 - लायकुया थन्थुदरबार दानय्‌गु ज्या न्ह्याकी । कला संग्रहालय तयो तः गु लाल बैठक नपांया न्ह्यकं झ्यो दरबार दानय्‌ता नं मः काथंया पला न्ह्याकी ।
 - खवप लायकु लागाया १९ चोक नपां वसन्तपुर दरबार व खवप नगरपालिका वडा नं ५ य् च्वंगु जगन्नाथय् मुलः स्वयगु (उत्खननं) ज्या हछ्याई । उकिया लागिं विज्ञ (सः स्यूपिनिगु) पुचः नि स्वनी ।
 - ब्वनय्कुथि सांस्कृतिक प्रशिक्षणया व्यवस्था याई उकिता नगरपालिकां प्रशिक्षकया व्यवस्था याई ।
 - दाडः च्वंगु छुम गणेद्योया द्यो छूं, भाज्या पुखु, हाडा छूं, लक्ष्मीनरसिंह देगः दानय्‌गु ज्या क्वचायकी । इखालाछी मथ लहवनय-कानय्‌गु ज्या न्ह्याकी उकिया लागिं स्वापु दःगु पक्ष नपां खाँ ल्हाडः, मः काथंया बजेट छख्य् लिइकी ।
 - सम्पदा ल्यंकः म्वाकः तय्‌गु ज्या हदाय् तयो वडास्तरं याय् फःगु सम्पदात ल्यंकः म्वाकः तय्‌गु ज्या वडा वडाया लागिं बिस्कं बजेट छख्य् लिइकी ।
 - पुलांगु नगर दुनय् चांकाकः भवखाचां स्यंक्य् मफैगु याडः दानिगु छूं व सम्पदाता घ्वासा बिई ।
 - सांस्कृतिक, पुरातात्विक, ऐतिहासिक महत्व कःघाडः च्वंगु निजी छृत दानय् मफयो च्वंगु जूसा, तुरुत्त मदांसा सम्पदा स्यनय् फःगु खानय् दः सा नगरपालिकां थःगु लाय तयो दाडः बियो लिपा छूं थुवकय् तुक्व धेबा लिता कायो छूं लिता बियगु सर्त तयो ल्यंकः म्वाकः तय्‌गु नीति काई ।
 - घ) कृषि
- छूं छूं न प्याहाँ वैगु ध्वगिइगु व ध्वमगिइगु फोहारत बिस्कं बिस्कं मुडः न्हूंगु प्रविधि छ्यलः नेपाली (कम्पोष्ट) सः दय्क किसान तय्‌ता नेपाली सः छ्यलय्‌ता घ्वासा बियगु नपां कःसि खेतीया तालिम वडा वडाय् बियगु नं याई ।
- चाया गुणस्तर म्हवँ जुं वांगुलिं बुँ म्हवचा जक बाली सयो च्वंगुलिं किसानतय्‌ता चा जाँचय् याय्‌गु तालिमत बिई ।
 - किसानतय्‌सं सयकगु तरकारी मियता वडा नं ५ य् च्वंगु भेलुखेलय् (पसिखेलय्) दय्कच्वंगु तरकारी बजार चायकी ।
 - किसान तय्‌सं सयकगु तरकारी, पुसात, सिसाफल (फलफुल) नपां थीथी अन्त सयकगु मुडः अलय स्वथाड (भण्डारण) तय्‌ता खवप नगरपालिका द नं वडाय् दयकः च्वंगु 'चिस्यान केन्द्र' दय्के धुंकः छ्यली ।
 - किसानतय्‌ता ई काथं कृषिया पुसात इड बियगु ज्या न्ह्याकः

किसानतय्ता न्हुँ न्हु काथं बुं ज्या यायता कृषि विज्ञपिनि पाखं तालिमया व्यवस्था याई । न्हुँगु पुस्ताता आधुनिक खेती (न्हुँ काथया बुंज्या) पाखय् मन क्वसाय्केता कृषि विद्यालय निः स्वानय्ता मःगु पला नह्याकी ।

- कृषि सम्बन्धी थी थी बिषयया अध्ययन अनुसन्धान यायता नगर दुनय् छगू 'कृषि अनुसन्धान केन्द्र' चाय्केता मः गु व्यवस्था याई ।
- उपभोक्तापिन्ता जिवय मनिनिगु काथया ला ममिडकेता, उकीं ल्वय मजुइकेता नगरदुनय छगू पशु बधशाला दयकी ।
- छार्वा त्वः त तः पुं नेपांचु (खा, हायँ), प्यपांचु (सौं) गल्ली खिचात व्यवस्थित याइसा पशुपन्धीपाखं जुयफःगु ल्वयया लागिं मः काथया खोपया व्यवस्था याई ।
- कृषि व नाः, दुरु व मेमेगु नसा (खाद्यान) परीक्षण यायता प्रयोगशालाया व्यवस्था याई ।
- ख्वप नगर दुनयया बुंज्यामि (किसान) तय्गु ल्या (सूचिकरण) याई ।

ड) पर्यटन

आ.व. २०७६/७७ सं 'छ्वप महोत्सव' या लागिं फुक्क तयारी जुय धुंकगु अलय हलिमय् ब्यागु कोभिड भवलवचं दिकु याय माल । उकिता बिचःयाडः स्वापु दःपुं नपां सल्लाबल्लायाड इलय व्यलय सांस्कृतिक छ्वज्या, सम्पदा पदयात्रा, थी थी सांस्कृतिक छ्वज्यात ग्वसः ग्वयो पर्यटक सालय्गु ज्यात हछ्याई ।

- पर्यटन व्यवसायता घ्वासा जुइगु काथं होमस्टे व फेमिली स्टे ज्या इवः ता हछ्याई ।
- नगरया गल्ली गल्ली व चुक, ननि, बहालय् इलय-ब्यलय् पर्यटकीय ज्या इवःत याडः पर्यटनता घ्वासा बियगु ज्या याई । थजुगु ज्या इवः खं नगरया थीथी थासय् च्वनिपुं नागरिकपिनिगु जीवनय् पर्यटन पाखं फाइदा जुइगु विश्वास याय् ।
- स्थानीय परम्परागत उत्पादन (झीगु थःगु पह्या कमाई) व सीप (लाहातय्या ज्या) ता स्थानीय जनताया आम्दानीया लुखाचा काथं हछ्याई ।

च) लक्स व सुचुकुचु (वातावरण व सरसफाई)

ख्वप नगरया थीथी थासय् अखयला थखय्ला मदय्क माकचा जः थें प्यडः तःगु बिद्युतया तारत, केवलनगरया लकसता प्रदुषित याडः च्वंगु दः । पर्यटकीय नगर ख्वप देया बांला (सुन्दरता) ल्यंकः तय्ता अखय् थखय् मदय्क प्यडः तःगु तारत स्वापु दःगु संस्था नपां स्वापु तयो जमिनतलय् ल्हाकय्गु ज्या हज्याकी ।

- नगरया मू मू चुकय् व पर्यटकीय लागाय् वाउँक सिमाचा, स्वंमा पिडः तय्गु ज्या याई । नपां न्हुँगु बस्ती छूं दानिपिन्ता थःगु

सचिष्ठत हिनेगूगु ख्वप पौ. बःछि पौ(पाक्षिक)

जगगासं छमा सिमाचा पियमःगु नीति हछ्याई ।

- ख्वप नगरया मू मू लायঁ अपलं झ्यातुक लोड कुबिइगु सवारी साधनता छसिकार्थ हय्के मबियगु अलय नगरया मू मू लायঁपुति डायो जुयता अःपुकः 'पैदल यात्री मैत्री' याय्गु नपां आवास योजनासं झ्यातु-झ्यातुगु सवारी साधन हय्के मबियगु नीति काई ।
- हकनं छ्यलय् ज्यूगु बस्तुपाखं थीथी बस्तुत दयकः हकनं छ्यलय् गु ब्यवस्था याई । प्लास्टिक भोला छ्यय्किगु बुलुहूँ म्हवचा यायां यंकी । प्लास्टिक व अजगु बस्तुत लाँसिथ्, खुसी सिथय् व चुकय् सार्वजनिक थासय् छ्वयके मबियगु ।
- हनुमानघाट व सल्लाधारीया फोहर ना: प्रशोधन केन्द्र दयकेगु ज्या मथां क्वचाय्कः छ्यल: खुसी यचुगु ना: न्ह्याकय्गु वातावरणदयके ।
- नगरपालिका दुनयया चकांगु ख्यः, तीर्थ स्थल, लाँया जवं खवं, खुसी सिथय् उपयुक्त जातया सिमात पिडः हरियाली व्यवस्थापनया ज्या हछ्याई ।

छ) त्वनय्गु ना:

- न्ह्पानिसे त्वनय्गु ना: छूं काथं छ्यल: वयो च्वंगु, ब्वडचा, तुंथि, ल्वहँहित व मेमेगु ना: छूं सिइकः उकिता ल्यंकः म्वाकः तय्गु ।
- त्वनय्गु ना: या समस्या लिपा थ्यंक मवयक न्हांकय्ता मेलम्चीया ना: नगरबासीपिनिगु छूं छूं थ्यंकयता पाइप लाइन लायो मः काथया ब्यवस्था याई । न्हुँगु पाइप लाइनया व्यवस्था मजूतलय केयूकेएल नपां मिलय जुयो फछिं फक्व पुलांगु पाइपं हे ना: इडः बिय्गु ज्या न्ह्यांकी । नपां थीथी स्रोत पाखं इडः बियो च्वंगु ना: अज बांलाक इड बिई ।
- वगति ना : मुनय्गु ज्यायाता घ्वासा बिई । नपां त्वनय्गु ना:या न्हुँ न्हुँगु ना: छूं माल: उकिता ल्यंकः म्वाकः ना: पिकाय्गु ज्या याई ।

ज) कासा :

नगरपालिकापाखं बियो वयो च्वंगु कासा स्यनय्गुज्या न्ह्याकंतु यंक ब्वनयकुथि कासा स्यनामि छ्वयो स्यनय्गु ज्या न्ह्याकी ।

- मदिकक स्यडः वयो च्वंगु अन्तरनगर कासाया धिं धिं ब्ललाता थुगुसीनं याई ।
- ब्वनय कुथि ब्वनिपुं ब्वनामिपिन्ता कासाखय् ब्बति काय्केता अन्तरविद्यालय कासाया धिंधिं ब्लला थुगुसी नं याई । सहिद स्मृतिकासा ख्यः व महेश्वरी कासा ख्यः ता अज बांलाकय्ता मः काथं बजेट छखय् लिइकी ।
- त्वालय-त्वालय तयो तःगु शारीरिक व्यायामशालाय् मचःगु ताडः अज बांलाकः यंकी ।

- कासा हज्याकय्गुलि ग्वाहाली जुइगु काथं कासाया धिंधिंबल्ला ग्वसः गवइगु थी थी संघ-संस्थाता आर्थिक ग्वाहालीया नीति हछ्याई। बडा बडाय् च्वंगु टीम, क्लबत हछ्याय्ता मःगु ग्वहाली याय्गु।
- कासाया थी थी विधाता बिस्कंकाथं हछ्याय्ता बिषयगत नगर कासा पुचः निः स्वाडः यंकी। थुकीं कासाया लागा हज्याइगु विश्वास दः।

५) युवा व आत्मनिर्भरता :

ल्यासे ल्याम्हो पिन्ता थःगु तुतिख्य दानय फैगु व लाहातय ज्या दैगु काथं फ्रिज, वासिड मेसिन, मोबाइल, मोटरसाइकल, नाः थाकाइगु पम्प थजगु विद्युतीय मेसिनत ल्हवनय्गु व ड्राइभिड थजगु लाहातय ज्या दैगु तालिमत न्ह्याकी। अथेहे डकःमि, सिंकःमि, लोहङ्कःमि, थजपुं लाहातय ज्या दैगु तालिमत नपां विदेशी भाय् स्यनय्गु तालिमत नं हछ्याई नपां अःन्ह्याकः च्वंगु सुज्या सुयागु, थाय्गु (बुनाई), साँ च्याकय्गु व ज्वरय् याय्गु (कुक) थजगु तालिमत नं न्ह्याकंतुं यंकी। थुकीं अपलं ल्यासे ल्याम्होपुं लाहातय ज्या दयो थःगु तुतिख्य दानय फैगु जिमिगु विश्वास दः।

- ल्यासे ल्याम्होपिन्ता थःगु तुतिख्य दानय फयकेता सहुलियत दरं 'युवा उद्यमशील क्रृण' या व्यवस्था याई।
- शिक्षित ल्यासे ल्याम्होपिन्ता स्वयो लोकसेवा, शिक्षक सेवा नपां मे मे गू सेवाता विचः याडः प्रशिक्षणया व्यवस्था याई।

६) सहकारी :

सहकारी संस्थातय्ता ख्यैं छैगु थासय जक लाय् छ्यय्केता घ्वासा बियो लाहातय ज्या दैगु तालिमत बिइके बियो ल्यासे ल्याम्होपिन्ता थःगु तुतिख्य दानय फय्के बिइकेगु।

- सहकारी संस्थाया सामुदायिक विकास कोषता समुदायता भिं याइगु ज्याख्य छ्यय्की।
- सहकारी संस्थाय दःगु सर्वसाधारण जनताया मुड तःगु बचत रकम सुरक्षित याय्ता अनुगमन यायां वानि।
- नगरबासी पिन्ता वित्तीय साक्षरता अभियान न्ह्याकी।

७) मेमेगु (विविध)

- ख्वप नगरपालिका बडा नं ६ देकोचाय् च्वंगु अरनिको सभाभवन दानय्गु ज्यायाता नगरया गौरवया योजना काथं बहुर्षीय योजना पाखं हछ्याइ। उकिता बजेट छख्य लिइकी।
- ख्वप नगरपालिकाया ६ नं बडाय् दाडः च्वंगु आदर निकेतनया बाकी ज्या क्वचाय्कः ज्याख्य छ्यली। थुकीं थाकालिपुं जेष नागरिक पिन्ता ग्वाहाली जुई।
- नगरया माथांवांक विकासयाय्ता थाय् थासय पार्किंड्या व्यवस्था याई। योयोथाय् पार्किंड याइगुलिं दृश्य प्रदुषण (स्वय हे बाँमलाड च्वंगु) थुकीं म्हवः जुई नपां अः दय्के धुंगु पार्किंडया थाय् छ्यली।

सचिक्षित हिनेगूगु ख्वप पौ. बःछि पौ(पाक्षिक)

- भीथाय् दय्किगु घरेलू उत्पादनत जुजु धौ, ताइचिन बजी, तका तपुलीता अजः च्वजाय्केता मःकाथंया व्यवस्था याई नपां इलय ब्यलय 'घरेलू उत्पादन मेला' ग्वसः गवयो थःथाय्या वस्तुता हछ्याय्ता ग्वाहाली जुइगु ज्या इवः याडः तुं यंकी।
 - नगरया बजार व्यवस्थापन, अनियमित निर्माण पानय्गु व देश दुनय व देश पिनय्या पर्यटकपुं वैबलय अःपुक ख्वप दे सुरक्षित नगरकाथं हछ्याय्ता नगरप्रहरीया व्यवस्था याई।
 - देको-मिबा इतापाक्य आवास योजनासं ल्यं दःगु ज्यात सिध्यकः जगाधनी व म्हवेपिन्ता जगा लिता बियो उगु थासय व्यवस्थित सहर काथं हछ्याय्गु।
 - ख्वप नगरपालिका बडा नं १० कमल बिनायक्य बहुउद्देशीय भवन दानय्गु ज्या हछ्याय्गु।
 - सार्वजनिक पर्ति जगगा, पुखु व चकांगु ख्यः ल्यंकः म्वाकः तयो सार्वजनिक भिं ज्याख्य छ्यलय्गु।
 - हनुमन्ते खुसीया नेख्य सिथ्य करिडोर दय्केगु ज्या हछ्याई।
 - नगर दुनय डेराय् च्वडः च्वंपिनिगु ल्या खाडः (अभिलेख तयो) सेवा सुविधाया व्यवस्था याय्गु।
 - छम्हा छम्हा नागरिकपिन्ता देश व जनताप्रति सेवाया लागिं याय् मःगुज्या (कर्तव्य बोध) ब्वलानिगु ज्या याई।
 - भक्तपुर औद्योगिक क्षेत्र दुनयया हस्तकलाता हक्कनं ल्हवडः चाय्कः हज्याक्य्गु।
 - व्यवसायीपिन्ता अःपुक्यता स्थानीय तहख्यसं धःतालाजु नवीकरणया व्यवस्थाया लागिं स्वापु दःगु पक्ष नपां खाँ ल्हाडः, ज्या हज्याकी।
 - नगरपालिका व बडा कार्यालयपाखं बिइगु सेवा सुविधातः चुस्त व बालाक हछ्याय्ता अनलाइन बिधि पाखं करपुलय्गु, नक्सा पास ज्या हछ्याय्गु प्रविधि मैत्रीया व्यवस्था याई।
 - आन्तरिक आय अप्वयकेता करया लागा तःब्याकी।
 - कर्मचारी पिनिगु वृत्ति विकासका लागिं मः काथंया तालिम, पुनर्ताजगी ज्या इवः, न्ह्याक्य्गु नपां दण्ड व पुरस्कार व्यवस्था याई।
 - जुयफःगु विपदपाखं नगरबासीपिन्ता सुरक्षिततय्ता विपद् प्रतिकार्य नपां विपद व्यवस्थापनया विषय विशेष कार्य हज्याकी।
 - नगर दुनयया काथं छिंगु थासय्या पुखुली धलं ब्वाय्गु (पौडी) पुखुया विकास याई।
 - न्हैंगु सवारी साधन न्याइपुं नगरबासी पिन्ता स्वापु दःपुं नपां खाँ ल्हाडः निजी पार्किंड दयके मःगु नीति लागू याई।
- (ख्वप नगरपालिकाया प्रमुख सुनिल प्रजापति जुं पिब्बगु नीति व ज्याइवः)

मिति: २०८०।३।६

उप-प्रमुख रजनी जोशीपाखं पिब्बगु ख्वप

नगरपालिकाया आ.व. २०८०/८१ या बजेट वक्तव्य

सभाया नायोभाज् नपां नगर सभासद ज्यू पुं
ख्वप नगरपालिकाया हिंपकगु नगरसभासं छिकपुं सकल
सिता दुनुगलं निसें भिन्नुना देछाय।

- दकलय न्हपां थीथी जनआन्दोलन व संघर्षपाखं जनताया अधिकार सुनिश्चित याय् इवलय थःगु जीवन पाडः द्युपुं, लुमांकय् बहपुं शहीद प्रति दुनुगलं निसें बिचः, हाय् का नपां जन आन्दोलनय् घाइटे जुपुं, प्रवास व भूमिगत जुयो राजनैतिक व सामाजिक ह्यूपाया लागिं तहांगु योगदान याडः द्यूपुं योद्वापिन्ता हनबना याय्।
- नेपाल मजदुर किसान पार्टी पाखं निर्वाचनं त्याक वयापुं जिपुं जनप्रतिनिधिपुं पार्टीया सिद्धान्त व बिचःता कः घाडः जनताया सेवा सं न्हयाब्लैं जुयो च्वडा। नेमकिपाया हानय बहम्हा नायो भाजु नपां वरिष्ठ राजनीतिज्ञ नारायण मान बिजुक्छैं (रोहित) जुं च्वयो द्यूगु 'सचिच्छदा लिपाया ख्वप दे' साफू जिमिगु लाँपु खः। मार्ग निर्देशक खः। ख्वप देता थौं या अवस्थाय थ्यंकयूता पार्टीया नेता, न्हयलुवा कार्यकर्तापुं स्थानीय जनता, न्हपायाय् जनप्रतिनिधिपिनिगु तहांगु लाहा दः वयकपिन्ता आभार प्रकट याडः च्वडा। न्हयलुवापिसं क्यडः द्यूगु लाँपुइ तिःस्वार्थ जुयो। जनताया सेवा याय् जिमिगु कर्तव्य भःपिया।
- ऐतिहासिक नपां विश्व सम्पदाया धलःख्य् नां जःगु ख्वप देता ज्ञानविज्ञानया मू थाय् नपां यचु-पिचुगु, बालागु, स्वस्थ, शिक्षित, सभ्य व सुसंस्कृत नगर दयकेगु नपां देशं दुनय वा देश पिनय्या पर्यटक पिनिगु लागिं छक मवसें मगागु छगू उत्कृष्ट गन्तव्यस्थल काथं दयकेगु मंकः आजु खः।
- स्थानीय तहया निर्वाचन २०७९ सं नेमकिपापाखं हछ्यगु प्रतिवद्वता पौ पाखं जनताता ब्यूगु बचं पू वांकयूता शिक्षा, स्वास्थ्य, सम्पदा, संस्कृति ल्यंकः म्वाकः तयगु, त्वनय्यगु नाः, सुचुकुचु, पर्यटन, भौतिक पूर्वाधार निर्माण, पर्ति व सार्वजनिक जगगा ल्यंकः म्वाकः तयगु, सामाजिक न्याय व सुशासन प्रवद्धन, दःगु स्रोत व साधनत फक्व अपः छ्यलः स्थानीय ल्यासे ल्याम्हो पिन्ता उद्यमशील व लाहातय ज्या दैगु काथंया ज्यात हदायतयो नगर प्रमुख ज्यूं पिब्बयो द्यूगु नीति व ज्या इवः ता छ्यलयूता थव बजेट केन्द्रित जुई।



सभाया नायो भाजु,

अ. जिं चालु आ.ब. २०७९/८० या बजेट कार्यान्वयनया बःचा हाकलं समीक्षा पिब्बय्गु अनुमति कायः:

१) चालु आ.ब. २०७९/८० या लागिं मुक्कं २ अर्ब १८ करोड ४२ लाख व पी न्यद्वतकाया अनुमानित बजेट दयकागु खः। उकी नगरपालिकाया अन्तरिक आय पाखं ४६ करोड ८१ लाख आम्दानी जुइगु मति तः गुलि २०८० जेठ मसान्त तकख्य् ३७ करोड ७८ लाख प्यद्व व खुस व हिन्यका व न्हय डागः तका दां खुद आम्दानी जुल। गुगु मति तयागु आम्दानीया ८०.७१ प्रतिशत जू व। सम्पति व भूमिकर, घरबहाल (छैं बः) कर, पर्यटन सेवा शुल्क, व्यवसाय कर थजगु चालु आ.व. या लागिं अनुमानित यागुलि अपलं आम्दानी जुगु खानय दः। २०८० असार मसान्तकख्य् आन्तरिक आय पाख्य् ३९ करोड ९१ लाख आम्दानी जुइगु संशोधित अनुमान यागु दः।

२) वाह्य स्रोत पाख्य् चालु आ.व. या जेठ मसान्तकख्य् राजश्व बाँडफाँट्य् ११ करोड ९१ लाख हिन्यद्व व च्यास व पीछका अथे धाय् ६९.०९ प्रतिशत, संघ सरकार बिइगु अनुदानय् (वित्तीय समानीकरण, सर्वांत, समपुरक व विशेष अनुदान, सामाजिक

सचिच्छत हिनेगृह ख्वप पौ. बःछि पौ(पाक्षिक)

(ख) वाह्य (पिनया) पाखंया आय

७) थुगु नगरपालिकां संघीय सरकारपाखं द करोड ८६ लाख व ड्यूच्यू, वागमती प्रदेश सरकारपाखं ३ करोड ४९ लाख व ७८ द्व अलय मालपोत व मेमेगु पाखं ५ करोड तका याडः राजश्व बॉडफॉड्यू मुक्कं १७ करोड ३६ लाख २९ हजार तका वैगु मति तः गु दः ।

८) वित्तीय समानीकरण अनुदानपाख्यू संघीय सरकारपाखं २० करोड ३७ लाख व वागमती प्रदेश सरकारपाखं २ करोड २४ लाख व हि न्ह्यद्व याडः मुक्कं २२ करोड ६१ लाख व हिन्ह्यद्व दां द्वीँ वैगु मति दः ।

९) संघीय सरकारपाखं विशेष अनुदान पाखं २ करोड ५० लाख तका दां व समपुरक अनुदान पाखं ५० लाख वैगु मति दः । वैगु आर्थिक वर्षया लागि वागमती प्रदेश सरकारपाखं समपुरक व विशेष अनुदानयू धेबा छ्ययो महगुलिं जिमिसं विशेष ध्यानाकर्षण याडः चवडा । वागमती प्रदेश सरकारपाखं ख्वप नगरपालिकाता बिभेद यागु (पाकगु) जिमिगु ठम्याइ (बिचः) खः ।

१०) सर्वां अनुदानपाख्यू संघीय सरकारपाखं ४० करोड ८० लाखतका दां व वागमती प्रदेश सरकारपाखं २ करोड ५५ लाख व ९४ द्व तका दां वैगु मति दः ।

११) थवनपां स्थानीय पूर्वाधार साभेदारी त्रह्ण नपां थीथी नामं (शीर्षकं) २६ करोड तका दां वैगु धायो च्वंगु दः ।

१२) चालु आ.व. या अनुमानित बैक मौज्दात १३ करोड ६२ लाख व ड्यूस्वद्व व डास व स्वीस्वर्का नपां याडः थुगुसीया आ.व. २०८०/८१ या लागिं थुगु नगरपालिकाया मुक्कं अनुमानित बजेट २ अर्ब २६ करोड ८५ लाख व गुइप्यद्व तका जू वै । बजेटया आयपाख्यू बाह्यसोतया विस्तृत विवरण अनुसूचि २ ख्यू दुथ्याकागु दः ।

(अ) व्यय पाखयः

१३) वैगु आ.व. या लागिं चालु खर्च पाख्यू १ अर्ब ३६ करोड ९४ लाख व गुइप्यद्व तका अथे धायगु ६०.३६ प्रतिशत व पूँजीगत खर्च पाख्यू ८० करोड ४१ लाख तका दां ३५.४५ प्रतिशत विनियोजन यागु दः । थुकिया ब्याक्क खाँ अनुसूचिख्यू दुथ्याकागु दः । अथेह वित्तीय व्यवस्थापाख्यू १ करोड ५० लाख अथेधायगु ४.९९ प्रतिशत छख्यलिइकागु दः ।

सभाध्यक्ष ज्यू

वैगु आर्थिक वर्षया मू मू योजना व ज्या इवः बःचा हाकलं पिभव्य शिक्षा

१४) ख्वप देता ज्ञान विज्ञानया मू थाय व च्वजः गु गन्तब्यस्थल द्यूकेगु तातुडः शिशु स्याहार व बाल विकासकेन्द्र निसें विश्वविद्यालय तगिं तकया फुक्क पढाइ थवहे नगरयू व्यवस्था यायगु तातुडः थुगु नगरपालिकां शिक्षाया लागाता च्वजाय्केता दकलयू

सचिष्ठत हिंगेगृह खप पौ. बःष्ठि पौ(पाक्षिक)

हःनय् तःगु दः। जनताया अःया तातुना खप विश्वविद्यालय
निःस्वानय्गु खः। थुकिया लागि मः काथंया व्यवस्था याय्ता विजः
पुचः निः स्वानय्ता मः काथंया बजेट छख्यलिइकगु दः।

१५) नगरपालिकां चाय्कः तः गु च्यागु शैक्षिक संस्थात
मध्ये खप मा.वि सं त्हुँगु भवन दानय्गु ज्या हछ्याय धुङ्कगु दः सा,
खप इञ्जिनियरिड कलेजय् ‘वी’ ब्लकया त्हुँगु भवन दानय्ता वैगु
दायঁ २ करोड ५० लाख तका दां छख्य लिइकागु दः। खप
बहुप्राविधिक अध्ययन संस्थानय त्हुँगु भवन दानय्ता २ करोड तका
दाँ छख्य लिइकागु दः। अथेहे ‘खप कलेज अफ ल’ या लागिं मःगु
जगगा न्यागु दः।

१६) नगरपालिका दुनय चाय्कः तःगु सामुदायिक आधारभूत
व माध्यमिक ब्वनयकुथिया पूर्वाधार दय्केता नपां शैक्षिक गुणस्तर
च्व जायकेता विद्यालय अनुगमन प्राविधिक समितिया सिफारिसमा
लिधंसाय् नगरपालिकाया आन्तरिक सोतपाखं बियगु याडः गवाहाली
अनुदान काथं बियता २ करोड बजेट्या व्यवस्था यागु दः।

१७) नगरपालिका दुनयया सामुदायिक ब्वनयकुथियां ज्यासाडु
च्वंपुं कर्मचारी व गवाहालीमिपिनिगु लागिं वयकपिसं कायो वयो
च्वंगु तलबय् थुगु नगरपालिकापाखं छम्हासिता लच्छिया नेद्वतका दां
ल्याखं थप पारिश्रमिकया व्यवस्था यागु दः।

१८) कलेज शिक्षानपां अध्ययन अनुसन्धानता विशेष काथं
हनय् तय्गु मतिं अनुसन्धान केन्द्रत दय्केता बजेट छख्य लिइकगु
दः।

१९) देया लागिं मदयक मगागु विषय गथेकि इतिहास,
भूगोल, संस्कृति, राजनीतिशास्त्र व नेपाल भाषा ब्वनामिपिन्ता व्यू
व्यू वगु स्नातक तगिं निसें विद्यावारिधितकया अध्ययनय् बियो च्वंगु
पूर्ण छात्रवृत्तिता त्वः मफिइकसें थुगुसी निसें अर्थशास्त्र, तर्कशास्त्र व
दर्शनशास्त्र ब्वनिपुं ब्वनामिपिन्ता नं पूर्ण छात्रवृत्तिया व्यवस्था याय्गु
नीतिकाथं मः काथंया बजेट छख्य लिइकगु दः।

२०) सभ्य समाज निः स्वानय्ता नैतिक व व्यवहारिक
शिक्षाया व्यवस्थापन नपां ब्वनयकुथिसं स्काउट प्रशिक्षण व कासा
स्यनय्ज्या नं त्वः मफिइकसें हछ्याय्ता बजेट छख्य लिइकगु दः।
अपाद्गता जूपुं ब्वनामिपिनिगु लागिं विशेष शिक्षा अजनं बालाकय्ता
थुगुसीया बजेट्य् छख्य लिइकगु दः।

२१) नगरबासी ब्वनामिपिन्ता च्वय् थ्यंकः ब्वनय् फ्यूकेगु
मतिं थुगु नगरपालिकापाखं इडः बियो वयां च्वंगु शैक्षिक ऋणता
थुगुसिनं मदिक्क यंकय्ता २ करोड तका बजेट छख्य लिइकगु दः।

२२) नगर दुनय चाय्कः तःगु ब्वनयकुथि सं डागु, च्यागु
तगिंया आधारभूत परीक्षा व हिगु तागिंया एस.इ.इ. परीक्षाया
तयारी परीक्षा नगरस्तरीय काथं न्याकय्ता मः काथंया बजेट्या
व्यवस्था यागु दः।

२३) नगरबासी जनताया मति काथं थी थी शैक्षिक,
सांस्कृतिक व स्वास्थ्यनपां स्वापु दःगु ज्या इवः न्याकय्ता शिक्षा,
स्वास्थ्य व संस्कृति समितिसं ३ करोड ५० लाख बजेट छख्य
लिइकागु दः।

स्वास्थ्य

२४) थुगु नगरपालिकापाखं चाय्क तःगु खप अस्पतालता
आधुनिक व सुविधां जःगु दय्केता वैगु आर्थिक बर्षसं सीटी स्क्यान
न्याय्ता द करोड तका दां छख्य लिइकगु दः।

२५) अस्पतालया भौतिक पूर्वाधार दय्केता २ करोड तका
ताडः नपां सञ्चालन खर्चया लागिं ३ करोड तका ताडः तयागु
दः।

२६) खप नगरपालिका वडा नं १० बेखालय च्वंगु स्वास्थ्य
सेवा केन्द्र दानय्ता ३० लाख तका व ७ वडा खँचापुखु स्वास्थ्य
चौकी दय्केता ५० लाख तका थप छख्य लिइकगु दः।

२७) खप अस्पतालया अक्सिजन प्लान्टं नगरबासी पिन्ता
धेबा म्वायकः अलय मेपिन्ता म्हवचा धेबां अक्सिजन इड बियो वयो
च्वंगु नपां थी थी ल्यया उपचार व अपरेशनया लागिं नगरबासी
पिन्ता मःगु हि धेबा म्वायकः वियगु व क्यान्सर, मृगौला रोग, नुगः,
मस्तिष्क व मेरुदण्ड थजगु दीर्घरोग जुपुं नगरबासीपिन्ता थुगु
नगरपालिकापाखं उपचार सहाय्या अनुदान बियो वगु अ.नं त्वः
मफिइक बियता बजेट छख्य लिइकगु दः।

२८) खप अस्पतालता मेगु विशिष्ट अस्पतालया प्राविधिक
गवाहाली सं मिसातय्गु मचाल्ह जाँच्य याय्गु, दम-म्वसः, वौँ,
अलय (ताक-कान-घाँटी) न्हायँ, न्हयं व घाँटी, मिखाथजगु ल्ययत
निः शुल्क स्वास्थ्य शिविरत समुदाय व ब्वनयकुथि तगिंलय मंदिक्क
न्याकय्गु व्यवस्था याई।

२९) छैं छैं नर्सिंड सेवानपां ब्वनयकुथिसं ‘विद्यालय नर्स’
या व्यवस्था या लागिं व्यवस्था याई।

सम्पदा व संस्कृति ल्यंकः म्वाकः तय्गु

३०) खपया संस्कृति व सम्पदा भीगु महासिइका खः।
थुकिता देशं दुनय व देशपिनयया पर्यटकपिन्ता मनहाँय्पुक लुयगु थाय
काथं हछ्यायगु मति थानाया मूर्त अमूर्त सम्पदा ल्यंकः, म्वाकः तय्गु
बजेट छख्य लिइकगु दः।

३१) खप नगरपालिका वडा नं ३ य् च्वंगु ऐतिहासिक थन्थु
दरबार लहवनय् कानय्या लागिं २ करोड व इन्द्रायणी द्योछैं पुनः
निर्माणया लागिं २० लाखतका थप छख्य लिइकगु दः। वडा नं ४
य् च्वंगु लक्ष्मी नरसिंह देगः दानय्ता ८५ लाख, इखालाली मथ
दानय्ता ५० लाख व हाडाल्ह दानय्ता ३० लाख तका दां ताडः बजेट
छख्य लिइकगु दः।

३२) खप नगरपालिका ७ नं वडाय् सांस्कृतिक संग्रहालय

दानयता ५० लाख व बडा नं. २ खय् कोसेली छँ दानयता ५० लाख तका दां छख्य् लिइकगु दः। बडा नं ६ या छुमः गणेश्वर्या द्योछँ दय्केता ५० लाख तका दां ताड बजेट छख्य् लिइकगु दः।

३३) ख्वप नगरपालिकाया २ बडाय् च्वंगु 'क्राफ्ट सेन्टर' हकनं चाय्क हस्तकला अभिवृद्धि याई ।

३४) अथेहे नगरपालिकाया मू मूगु सम्पदा लगाय् थी थी हुनिं ता ई निसें निजी छँत लह्वनय् कानय् व दानय् मफयो सम्पदात स्यनिगु अलय नगरया सौन्दर्य स्वय म्हायपुक स्यनय फः गुलिं व हे छँ थुवलं छँ दानय मफूगु इलय नगरपालिकां थमनं हे लाय् छ्यलः अजगु छँ दानयता ४० लाख तका दां छख्य् लिइकगु दः। लिपा छँ थुवलं अजगु छँ लिता कायगु मति तः सा तुगु लागत खर्च पुलः अलय मः काथया प्रकृया पू वांक लिता काय फैगु व्यवस्था यागु दः।

३५) नः पुखुया पःख दानयगु, नरमल्ला फल्चा, मंग तीर्थय् च्वंगु छ्यगः देगः सिचु फल्चा, मचो भैरव फल्चा, सकुलांया पालिफः फल्चा, बेखालया फल्चा नपांया हिङुतुं बडाया फल्चात लह्वनयकानय व दानयता बजेट छख्य लिइकगु दः।

३६) विश्व सम्पदा क्षेत्र व पुलांगु नगर क्षेत्रे भीगु थःगुहे मौलिक पहः ल्यंक म्वाकः तय्ता भीगु परम्परागत शैली छँ दानिपु छँ थुवतयता बियो वयो च्वंगु आर्थिक अनुदान त्वः मफिइक वियगु नीति काथं वैगु आर्थिक वर्षया लागि ५० लाख तका दां छख्य लिइकगु दः।

कृषि

३७) ख्वप दे अपलं किसानत च्वडच्वंगु थाय् खः किसानतय्गु ल्याखाय्गु (सूचिकरण) नपां थानाया कृषकपिन्ता आधुनिक कृषि खेती तालिम, उन्नत पुसात व कृषि औजार व्यवस्था याय्ता मः काथया बजेट छख्य लिइकगु दः।

३८) बूसःगु अन्नत स्वथानयता (भण्डारण) नपां मिय्गु

सचिवत हिनेगूगु ख्वप पौ, बःछि पौ(पाक्षिक)

थाय् बजारीकरणया लागिं बडा नं द लिबालिबी 'शीत भण्डार' दानयता १ करोड तका दां, बडा नं ५ खय् तरकारी बजार दय्केता ७० लाख तका दां ताडः छख्य् लिइकगु दः। भिंगु पुसात नपां थःथाय् रैथाने बाली ल्यंक तय्ता कृषि अनुसन्धान केन्द्र निः स्वानयता २० लाख तका दां छख्य् लिइकगु दः। नपां थः थाय् हे प्रयोगशाला व कृषि विद्यालय दय्केता बजेट छख्य् लिइकगु दः।

३९) नगरया काथं छिंगु थासय् सफा अलय काथछिंगुवधशाला दय्केता १० लाख बजेट छख्य् लिइकगु दः।

त्वनयगु ना:

४०) ख्वप देया भौगोलिक अवस्थितिता बिचः याड त्वनयगु ना: नगरबासी पिन्ता मदयकः मगागु ख्यानं तस्कं थाकुगु पंगः त दाँ वयो च्वंगु दः। अथेनं नगरपालिकां त्वनयगु ना: इड बियता स्वापु दःगु सरकारी कार्यालय नपां संस्थान नपां मदिक्क मिलय् जुयो ज्या साडः च्वंगु दः।

४१) नगरय् त्वनयगु ना: या पूर्वाधार दय्केता नपां वगाति ना: मुनय्गु विधिता १ करोड छख्य् लिइकगु दः।

४२) बडा नं १० य् डिप बोरिड याय्ता २५ लाख, बडा नं. १ या सिंह ख्वाते डिप बोरिड याय्ता २० लाख व बडा नं ९ या तुमचोय् त्वनयगु ना: या पूर्वाधार दय्केता २५ लाख तका दां छख्य् लिइकगु दः।

वातावरण सुधार व फोहर थासय् लाकय्गु:

४३) थुगु नगरपालिकां फोहर व्यवस्थापन याय्ता थःपुं हे जनशक्ति छ्यलः अध्ययन-अनुसन्धान याडः फोहर मुड़ प्राङ्गारिक सः दयकेगु व हकनं छ्यलय्गु उपायत डाल वयो च्वंगु दः। थुगु ज्या अभ बालाक यंकय्ता वैगु आर्थिक वर्षया लागि पूर्वाधार दय्केता २ करोड १० लाख तका दां छख्य् लिइकगु दः।

४४) हनुमानघाट्या खुसी बालाकय्ता रिटेनिड्ग वाल



सचिवत हिंगेगृह खप पौ. बःछि पौ(पाक्षिक)

दानयगु नपांया ज्या यायता १ करोड तका दां छख्य् लिइकगु दः ।

४५) ऐतिहासिक तिर्थस्थल व घाटत ल्हवनयता नं मः काथं बजेट छख्य् लिइकगु दः ।

भौतिक पूर्वाधारत दानयगु:

४६) खप नगरपालिका बडा नं ६ या देकोचाय् च्वंगु अरनिको सभाभवन दानयता नगरपालिकापाखं ३ करोड २० लाख तका व वागमती प्रदेश सरकारपाखं ८० लाख याडः मुक्कं ४ करोड छख्य् लिइकः बहुर्णीय योजना काथं हछ्याडः यंकी ।

४७) कमलविनायक बहुउद्देशीय भवन दानयता ४ करोड छख्य् लिइकगु दः । बडा नं ९ तौलाछे वाथिकुथि (लिबि) सं बहुउद्देशीय सामूदायिक भवन दानयता २५ लाख तका दां छख्य् लिइकगु दः ।

४८) थुगु नगरपालिका दुनय्या लाँ कालो पत्रे, सडक पूर्वाधार निर्माण नपा लाँ अज बालाकः भिंक यंकयता २ करोड छख्य् लिइकगु दः ।

४९) सडक बोर्ड वडगु धेबा फूक्क बडाय् पूर्वाधारय योजना हछ्यायता १ करोड २८ लाख तका दां छख्य् लिइकगु दः ।

५०) छगु छगु बडा स्तरीय योजनाय् ल्हवनय् कानय् व अभ बालाक भिंकः यंकयता ५०/५० लाख याडः ५ करोड तका दां छख्य् लिइकगु दः ।

कासाया पूर्वाधारः

५१) बडा नं ७ य् च्वंगु महेश्वरी स्टेडियम दय्केता १ करोड ५० लाख बेखाल कभर्ड हल दानयता १ करोड, शहीद स्मृति कासाख्यः विस्तृत परियोजना प्रतिवेदन निर्माणय् २५ लाख दां छख्य् लिइकगु दः ।

५२) नगर दुनय्या काथंलागु पुखुली धलं ब्वायगु पुखु काथं दय्केता ५० लाख तका छख्य् लिइकगु दः ।

५३) अन्तरनगर कासाया धिंधिं बल्ला व ब्वनयकुथि ब्यागु कासाया धिंधिं बल्ला यायता बजेट छख्य् लिइकगु दः ।

थी थी योजना व ज्या इवः तः

५४) थुगु नगरपालिका दुनय्या पर्ति व सार्वजनिक (छ्यः) जगगा तःल्यंकः तयता २० लाख तका छख्य् लिइकगु दः ।

५५) खप नगरपालिकापाखं न्ह्याकगु देको-मिबा-इटापाक्य आवास योजनाया लागिं १८ करोड छख्य् लिइकगु दः ।

५६) नगरपालिकाया थःगु हे खप टेलिभिजन स्टुडियो दानयता अलय न्ह्याकयता ७० लाख व एफ.एमः चायकेता ३० लाख याडः मुक्कं १ करोड छख्य् लिइकगु दः ।

५७) नगरपालिकां थुगुसी निसें पार्किङ व्यवस्थापन यायता पला छिगुलि थुकिता अंज बालाक यंकयता ५० लाख छख्य् लिइकगु दः ।

५८) नगरया थी थी थासय् सि सि टि.भि तयो वगुलि

दतात्रय च्याम्हासिंह - भाने तक व जगाती कमलविनायक - लान्च्चा फल्चातक सिसिटिभी स्वाडः यंकयता २३ लाख तका दां छख्य् लिइकगु दः सा खप नगरपालिकां बडा नं. ६ ख्य् दाडः च्वंगु थाकालिपुं जेठ नागरिकपिनिगु लागिं आदर निकेतन भवन दानयता ५० लाख तका दां छख्य् लिइकगु दः ।

५९) नगरया ल्यासे ल्याम्होपिन्ता बिचः याडः युवा उद्यमशील ऋण वियता ५ करोड तिया ऋण कोष दयकगु दः ।

६०) नगरपालिकाता मःगु जगगा न्यायता १ करोड व जगगा, छै बः या लागिं ५० लाख छख्य् लिइकगु दः ।

६१) नगर दुनय्या मू मू लायঁ बिजुली मता तयता २५ लाख अलय प्राकृतिक विपत्ती स्यंकिगु म्हवचा यायता नपां राहत, उद्वार व पूनः स्थापनाया लागिं ५० लाख छख्य् लिइकगु दः ।

थुकाथं वैगु आर्थिक वर्ष २०८०/८१ या लागिं मुक्क छख्य् लिइकगु बजेट २ अर्ब २६ करोड ८५ लाख व गुझ्यद्व जुझ्गु अनुमान यागु दः । छख्य् लिइकगु योजना व ज्याइवः अनुसूचिसं दुथ्याकागु दः ।

वैगु आ.व. या लागिं थुगु नगरपालिकाया बडा गत योजनाया धलः अनुसूचिख्य् दुथ्याकागु दः ।

सभाध्यक्ष ज्यु

- श्रोतया सुनिश्चितता दः सा जक बजेटं मति तः काथं तःलाक हनय् वाडः नगरबासीपिन्ता सेवा सुविधा बिय फैगुलिं मति तया काथंया राजश्वः मुनय फय्मः । उकीं जिं थवहे बजेटया न्वचु पाखं खप नगरपालिकाया सकल करदातापिन्ता इलय हे मः काथंया कर पुलः विकास व सेवा सुविधाया हकदार जुयता इनाप याय् ।

- नगरपालिकाया म्हवचा श्रोत साधनता अपलं छ्यल बजेट दयका बलय नगरबासी पिन्तु मति व इच्छा फूक्क छकलं पूवांक्य फैगु अवस्था मरु । मदयक मगागु आवश्यकताता हदाय तयो श्रोत साधनं धः थे याड थव बजेट व ज्या इवः दय्कागु खः ।

- बजेट दय्केगु नपां नपां थुकिता तः लाक छ्यलय्गु मेगु महत्वपूर्ण ज्या खः । योजना व ज्या इवः इलय हे धिसिलाक छ्यलय्फः सा जक बजेटं मतितः काथं ज्या तःलाक्य फैगुलिं थुगु बजेटता धिसिलाक छ्यलय्ता स्वापुदपुं सकलसिता अनुरोध याय् ।

- थुगु बजेट दय्केगु इवलय खानय दयकः व मदयक ग्वाहाली याडः द्यूपुं सकल कार्यपालिकाया दुजः पुं आम सञ्चार जगत, नगरबासी दाजुकिजा तता कहें पुं, प्रमुख प्रशासकीय अधिकृत ज्यु, नपां सकल कर्मचारी पासापिन्ता भिन्तुना देछाय । खपया विकासता ग्वाहाली याइगु नेपाल सरकार, वागमती प्रदेश सरकार, स्वापु दःगु ग्वाहालिमि संघ-संस्था व नगरबासी पिन्ता दुनुगलं निसे भिन्तुना देछासे लिपा नं थथे हे ग्वाहाली दैगु विश्वास याय् । सुभाय् ।

न्ह्ल्या: २०८०/३/९०

બજેટસં સામુદાયિક શિક્ષા

વિવેક

ધાર્થેં ધાર્યુ ખઃસા સુક્રં રાષ્ટ્રીય બજેટયા ૨૦ પ્રતિશત બજેટ શિક્ષાયા લાગિં છખય્ લિફ્કે મઃગુ અન્તર્રાષ્ટ્રીય માન્યતા દ: | અલય અર્થમન્ત્રી પ્રકાશ શરણ મહતપાખં ૨૦૮૦/૮૧ યા બજેટ જેઠ ૧૫ ગતે પિબવગુ બજેટય્ ધઃસા સુક્રં બજેટયા ૧૧.૨૬ પ્રતિશત જક શિક્ષાયા લાગિં છખય્ લિફ્કાગુ ખાનય્ દ: | દે વિકાસયા લિધંસા કાથં કાયો તઃગુ શિક્ષાખય્ સરકારં મ્હવચા જક બજેટ છખય્ લિફ્કાગુ ધાર્યુ હે સરકારં શિક્ષાતા હદાય મત:ગુ ધાર્યુ ખાં ધાર્યફ: |

સામુદાયિક બ્વનય્કુથિ બ્વનય્પં બ્વનામિપં મ્હવચા જક પાસ જુઝગુ સામુદાયિક બ્વનય્કુથિતા અભિભાવકપિસં સ્વદ્ગુ મિખાહે પા:ગુલિં સરકારયા લગાની ફિદ્વખય્ ના: કવફ્વાય્ થેં જક જુયો ચ્વંગુ દ: | સામુદાયિક બ્વનય્કુથિયા ફુક્ક ધાર્થેં શિક્ષકપું તાલિમ દ:પં ખ: | સરકારં તાલિમ વ પૂર્વાધાર દય્કેતાજક અપલં અપ: ધેબા નં ખર્ચ યાઝગુ અથેનં અજગુ બ્વનય્કુથિતા જનતાં વિશવાસ મયાસેલિં થુકિ સુયાર્યુ દોષ ખ: | નિજી બ્વનય્કુથિયા શિક્ષકપિનિગુ તલબ વ સુવિધા મ્હવં જૂસાં નં આના બ્વનિપં બ્વનામિપં મેપં સ્વયો બાંલાગુ પાસ જુગુ પ્રતિશતં કયં | ત.ત: ખાગુ ભૌતિક સંરચનાત વ યોગ્યપું શિક્ષકત દ:ગુ ધઃગુ બ્વનય્કુથિતક બ્વનામિપં મ્હવચા જક ભર્ના જૂગુલિં શિક્ષાયા ભાલા કુબિયો ચ્વંપું પદાધિકારીપિસં ગમ્ભીર જુયો સ્વય મ:ગુ ખ: |

બ્વનામિપં અપલં મ્હવચા દક દ:ગુ સામુદાયિક બ્વનય્કુથિ થિફ્ક ચ્વંગુ મેગુ સામુદાયિક બ્વનય્ કુથિ સ્વાય્ યંકય્ માલિગુ અવસ્થાય્ થયન | શિક્ષાયા લાગાય્ અરબૌં લગાની યાડા નં થૈ શિક્ષાયા થજગુ બિજોગ વગુલિ શિક્ષાયા જિમ્મેવારી કુબિયો ચ્વંપું ત: મલાગુયા ચિં ખ: | સામુદાયિક બ્વનય્કુથિ મ:છિ સ્વ: વાનય્ (અનુગમન યાય્) મફ્ફુન, દલીય ભાગબણડાય્ શિક્ષકત તય્ યંકિગુ પાર્ટીયા ભણડા જવંગુયા લ્યાખં જક શિક્ષક યાગુલિં બ્વંકય્ગુલિ ધ્યાન મત:ગુ અલય સંચાલક સમિતિં થ: યત્થે યાગુ સામુદાયિક બ્વનય્ કુથિયા શૈક્ષિક સ્તર ચવજાય્ મફ્ફુયા હુનિત ખ: |

બ્વનય્કુથિયા શિક્ષા બાંલાકય્તા લ્યાચા સ્વયો શિક્ષક દરબન્દીયા વ્યવસ્થા અયોગ વ અનુશાસનય્ મચ્વનિપું શિક્ષક પિન્તા કડા સજાય વ ફુક્ક બ્વનય્કુથિ ભૌતિક પૂર્વાધારત દયક: બિયમ: | અ: ૨૧ ગુ સદિયા ઇલય બ્વનય્કુથિ પ્રવિધિપાખં બ્વંકય્ગુ બ્વનય્ યાય્ મ: | ઉકિયા લાગિં સરકારં શિક્ષક પિન્તા ઇલય-વ્યલય પ્રવિધિસમ્બન્ધી તાલિમત બિયો મ:મ:ગુ શૈક્ષિક સામગ્રીત વિયતા

અપલં અનુદાન બિયમ: |

બ્વનય્કુથિ વિજ્ઞાન વ ગળિતયા પ્રયોગશાલાત દયક: બિયમ:ગુ સાફ્ક કુથિ દયક બિયગુ નપાં વિષયવસ્તુ નપાં સ્વાપુ ફુક્ક ધાર્થેં સાફ્કત તયો બિયફ: સા અભ બાંલાઈ | થગુસીયા બજેટ દાચ્છિ-નેદા હાઁ નિસેં બિયો વયો ચ્વંગુ ખાજા ખર્ચ નં ત્વ: મફિફ્કસેં બિયગુ ધાલા ધેબા તાનય્ગુ ખાં મલહા | ૧૫ તક ધેબાં ચ્યા છગુ નં મવૈગુ અ: યા ઇલય ન્હપાયાર્યુતિ જક ધેબા બિયગુ પાય્છિ મજુ | ઈ કાથંયા ધેબા તાડ: બિયગુ નપાં બ્વનય્કુથિ ચાલિગુ દિનય્ ખાજા ખર્ચ બિયમ:ગુ ખ: | શૈક્ષિક ગુણસ્તર ચવ જાયકેગુ મતિં કવ: છિડ: ત:ગુ દિનસ્વયો ત: ન્હ અપ: બ્વનય્કુથિ ચાય્ક: ગુ પાલિકાતય્સં સરકારં બ્યુગુ સ્વયો પચાસૌ લાખ તક દાં આન્તરિક સોત પાખં બ્યુગુ નં દ: | બ્વનય્કુથિ ચાય્કિગુ અપલં દિનતા બિચ: મયાસેં ૧૮૦ ન્હ યા જક ન્હિનય્યા બજી (ખાજા) યા વ્યવસ્થા યાર્યુ પાય્છિ મજુ |

બ્વનામિપિનિગુ વિદેશ પાખય્યા પિત્યા મિખા

હિંછગુ વ હિન્યગુ તગિં પાસ જુય ધુંક, અપલં નેપ:યા બ્વનામિપં વિદેશય વાનય્ગુ મતિ તૈ | થુકિયા મૂ હુનિ બ્વનય્ ધુંક: જ્યા મદૈ ધાર્યુ ચિન્તા ખ: | લિપા જ્યા મ: વાનય્તા વિદેશય હે મવાસિં મગાઝગુ ખઃસા અ:તું છાય મવાનય્ ધાર્યુ મતિ બ્વનામિપિંકય વગુ ખાનય્ દ: | ૧૨ ગુ તગિં પાસ જુય ધુંક: થયં મથયં બચ્છી ધાર્થેં બ્વનામિપં વિદેશય વાનય્ગુ મહાગસ ખાની | અથે જૂગુયા હુનિમધ્યે શિક્ષકપિસં હે નેપાલય ચવઢ: જ્યામરુ ધાયો વિદેશય છવયતા ઘવાસા બ્યુગુ નં ખ: | ગુલિં શિક્ષકપિસં વિદેશય છ્વઙ્ગુ સંસ્થાય વાડ: છમ્હા બ્વનામિયા થુલિ છ્યાપં ધાયો ધેબા કાયો ચ્વંગુ નં ન્યનય્ દ: | યદિ થજગુ ખાં ધાત્યેંગુ ખઃસા અપું શિક્ષકયા ખવ: પા પુયો ચ્વંપું વિદેશી દલાલત ખ: | અજપું શિક્ષકપિન્તા સરકારં તુરન્ત કાર્વાહી યાડ: જાગિરં લિકાયો જેલય તય્ગુ તક વ્યવસ્થા યાય મ: |

ચાલુ આ.વ. ૨૦૭૯/૮૦ યા હિલાયા દૂનય દ૦ દૃ સ્વયો અપલં બ્વનામિપં ઉચ્વશિક્ષાયા લાગિં વિદેશય વાનય્ ધુંકલ | અમિપાખં જક ૬૭ અર્બતકા સ્વયો અપ: ધેબા પિનય વાનય ધુંકગુ ખાં પ્યાહાઁ વગુ દ: | અથે પિનય વાડ: બ્વનિપિન્તા જક પાનય ફઃસા દાચ્છિયા ૧ ખર્બ તક તક વિદેશય વાનિગુ લ્યંકય ફૈ | ઉકીં બ્યાપારધાટા મ્હવચા યાઈ | ઉકિયાલાગિં સરકારં શૈક્ષિક સુધાર યાર્યુ નપાં મ: કાથંયા નિયમ કાનુન દયકેગુલિ બિચ: યાય મ: |

थुगुसी अपलं ब्वनामिपुं पिनय् द्वैं वांगुलि याडः भीथाय्या कलेजतय्ता बांमलाग् लिच्चवः लाई । गुलिं कलेजत थुगुसी चाय्के हे मफैगु अवस्थाय् दः । थी थी विश्व विद्यालयपाखं सम्बन्धन कायो तःगु १४४० गू कलेजत मध्ये ५३७ गू सामुदायिक कलेजत चाय्कः तःगु दः । उकिमध्ये २१८ गू सामुदायिक कलेजत स्वाढ छ्वय् मालिगु विश्वविद्यालय अनुदान आयोगं धायो च्वंगु दः सा निजी पाखं चाय्कः तःगु ३०० गू कलेजय् १०० म्हा स्वयो म्हवचा जकः ब्वनामिपुं दः गुलिं चाय्के मफैगु अवस्था दः । उच्च शिक्षाया लागिं पिनयै द्वैं वानिपुं ब्वनामिपित्ता पानय् मफूसा थुकिं लिपा भन भन स्वतिडः वाडः थाकुयो वैगु पक्का नं जुल ।

नेपः या विश्वविद्यालय शिक्षा अनुसन्धान केन्द्रीत जुय मफः । खालि पास याडः दसिपौ काय्ताजक ब्वनिगु योग्यता अनुसारया ज्या बिय मफः गुलिं ब्वनय् धुकः अपलं ब्वनामिपुं निराश जुइगु । दसिपौ काय् धुकः छुं नं लागाय् थःगु तुतिखय् दानय् फैगु काथं याडः श्रमणां स्वापु दःगु शिक्षा व्यूगु जूसा सुं छम्हा मनू शिक्षित बेरोजगार जुयो म्वाय मालिगु अवस्था मवैगु खः ।

खः तुं सरकारं निजी कलेजतय्ता हदाय तथो जूगुलिं हे नं सामुदायिक कलेजय् समस्या वगु खः । सामुदायिक कलेजया प्राध्यापकपुं सरकारीखय् हाजिर याडः निजी कलेजय् द्वंकः वानिगु छुं न्हँगु खाँ मखु । सामुदायिक कलेजया शिक्षा च्वजाय मफूगुया छगू मू हुनि थव नं खः । निजी कलेज तय्सं शिक्षाता छगू तहांगु ब्यापार काथं छ्यल च्वंगु दः । तः तः हांपु ब्यापारीतय्सं निजी ब्वनय्कुथि व कलेजत चाय्कः उद्योगं स्वयो अपः धेबा कमे याडः च्वंगु दः । बजेटय् निजी कलेजता नियन्त्रण याय्गु गनां च्वयो तःगु मरु ।

संविधान काथं आधारभूत शिक्षा अनिवार्य व मा.वि. तगिं १२ गू कक्षा तक धेबा म्वायक निःशुल्क जुय मःगु खः । समाजवाद उन्मुख राज्य व्यवस्था दःगु देश नेपालय् उच्च शिक्षा तक धेबा म्वायक निःशुल्क मयासें मगा ।

शिक्षाखय् छ्वप दे

छ्वप नगरपालिको २०५६ सालनिसें छ्वप उ.मा.वि.या नामं छिगु पला अः छ्वप कलेज अफ ल नपां याडः च्यागू उच्च शिक्षा बिइगु शैक्षिक संस्थात तःजिक न्ह्याकः च्वंगु दः । अः ७३ गू जिल्लाया ७ द्वैं स्वयो अपः ब्वनामिपुं उगु शैक्षिक संस्थाय् ब्वडः च्वंगु दः । दांकः, भिंकः, बांलाकः ब्वंकय्गु वचं बियो हज्याडः च्वंपुं जनप्रतिनिधिपुं कलेजता अभ बांलाक हछ्याय्ता चां-न्हीं मधसे जुयो च्वंगु दः । गरिब ब्वनामिपित्ता (शैक्षिक ऋण) ब्वनय्ता धेबा त्याय वियगु लिसें अपलं छात्रवृत्तिया व्यबस्था याडः फः काथं

सचिष्ठत हिंगेगूगु ख्वप पौ. बःछि पौ(पाक्षिक)

शिक्षाखय् लाय छ्यलः वयो च्वंगु दः । नगरपालिकापाखं वडा वडाय् चाय्कः तःगु शिशु स्याहार निसें च्यागु शैक्षिक संस्थात थौ राष्ट्रिय चर्चाया खाँ जुयो च्वंगु दः ।

मा.वि. तगिं तकया शिक्षाया जिम्मेवारी स्थानीय तहता ब्यू सेलिं अः अपलं नगरपालिकां शैक्षिक प्रगतिया लागिं ज्या सानय्गु कुतः याडः च्वंगु दः । ख्वप नगर दुनय् सामुदायिक गुथि व निजी याडः ९९ ब्वनय्कुथित चाय्कः तःगु दः । उकि मध्ये ३५गू जक सामुदायिक दता । ख्वप नगर दुनय्या सामुदायिक ब्वनय्कुथि नं न्हपा स्वयो अः छसिकाथं बांलाडः वयो च्वंगु दः । सामुदायिक ब्वनय्कुथि अपलं भर्ना जूवपिनिगु ल्याखं थव खाँ सियदः ।

स्थानीय तहपाखं इलय-व्यलय अनुगमन, शिक्षक तालिम, अनुदान सहयोग, भौतिक पूर्वाधार निर्माण थजगु विषयसं बः ब्यूब्यू वयो च्वंगुलिं नगर क्षेत्र दुनय्या सामुदायिक ब्वनय्कुथि बिस्तारं बांलाडः वयो च्वंगु मति तयो च्वंगु दः ।

थौ स्वयो ३० दा हाँतक शिक्षाखय अपलं ल्यूनय् लाडः च्वंगु ख्वप दे नेमकिपाया जनप्रतिनिधिपिसं न्ह्याकगु शैक्षिक अभियानं थैया ख्वप दे तक थ्यंगु खः । ख्वप नगरपालिकां थै मेमेगु नगरपालिकां नं शिशु स्याहारनिसें कलेजतक चाय्कःगु जूसा जनताता तस्कं अः पुइगु खः ।

खाँ: ख्वप विश्व विद्यालय्या

ख्वपया जनता ख्वप विश्वविद्यालय चाय्क्यता हिंदा हाँ निसें कुतः याडः च्वंगु दः । शासक दलपिसं थी थी त्वहः तयो अः तक ख्वप विश्व विद्यालय्या विधेयक हःनय् यंकगु मरुनि । संसदय् प्रतिनिधित्व याडः च्वंपुं अपलं नेतातय्सं ख्वप विश्वविद्यालय स्वीकृति वियमः धःसां थुगुसीया बजेटय् नं व खाँ मन्हयं । जनतां शासक दलया (पूर्वाग्राही) महिता मिखाया खाँ थुईकेगु थप मौका दत । अपलं दांकः चिकित्सा शिक्षा बिय दकः दाबी याडः वयो च्वंगु ख्वप विश्व विद्यालय विधेयकया खाँ बजेटय् मतःगु शासक दलया पक्षपात पूर्ण व्यवहार खः ।

नेमकिपाया छ्याङ्जे नयाँ सांसद प्रेम सुवालं तःकः हे ख्वप विश्व विद्यालय्या खाँ संसदय् न्हिथानय् धुकः प्रधानमन्त्री प्रचण्डं नुमवासें मगात । वयकं लिसः वियगु इवलय् धायो दिल -‘ख्वप विश्व विद्यालय विधेयक प्रक्रिया पूर्वाक हछ्याय्गु जुई’ ।

ख्वप नगरपालिकां चाय्क तःगु च्यागू शैक्षिक संस्थापाखं अपलं विषयलय् स्नातकोत्तर तगिंतक ब्वंकः वयो च्वंगु दः । सरकारं अनुमति मब्यूसां ख्वप सर्कल थः हे छगु विश्वविद्यालय काथं जनतां अनुमोदन याय्धुकगु दः । अः खालि कानुनी प्रकृया पू वांकः सरकारया अनुमति पिडः च्वंगु धाय्गु खाँ सिय् दः ।

पर्यंतदंगु बारवं

देशं पुला तापाक्क छथाय् बन जंगले
दुने गणेद्यःयागु देगःचा छगः दयाच्चन तर
अन जंगले च्वंम्ह जूसां गणेद्यःला सापहे
शक्ति दुम्ह, सत्य दुम्ह जुयाच्चन। अनहे
जंगल सतीक च्वंम्हा मनू छम्हसिया सन्तान
मदया हायल कायल जुया सन्तान छम्हा
दइला धका वहे गणेद्यःयागु सेवा यायेगु
मति तया गणेद्यःया थासे सुथये न्हापां दना
सेवा दर्शन यायेत वन। छायधाःसा गणेद्यः
सुथ न्हापांहे दना प्याहाँ वनिगु जुया च्वन।
अथे प्याहाँ वैगु पाखे लाके फःसा बरदान
विइम्हा जुया च्वन। “गुरु गणपती” व
मनूनं प्रार्थना याना पुकार यात “जितः सन्तान
मदया अति दुःखसिया च्वना, सन्तान छम्हा
फोने।”

ठीक पाखे लागुलिं गणेद्यः नं वैत
तथास्तु धका वरदान बिया हल।

दिन वनावं च्वन। यथा समये व
मनूया छम्हा काय् मचानं दत। वया
काय्मचा दुगु समाचार सिया वया छेया
लिक्क क तुं च्वंम्हा मेम्हा मनू छम्हसिया
अजु चाया वैके डन “छं गथेयाना सन्तान
द्यका?”

“खः, मंगलबार लाक्क सुथ न्हापां
दना गणेद्यःयाके सेवा याना सन्तान प्राप्ती
जूगु खः। छं नं फल काय्गु इच्छा दःसा
गणेद्यः सेवा या” व मनूनं लिसः बिल।

व मनूनं सुथ न्हापां दना गणेद्यः
सेवा यायेत वनिगु जुया वल। छन्हुला
गणेद्यः दना प्याहा बनेत वःगु पाखे लात।

“का, छं छु फोनेत वया ? धा”
गणेद्यःनं डन।

“प्रभु, जितः मेगु छु म्वा। न्हयागुनं
सिमाय् गुलि हःदु डिफैगु शक्ति बरदान बिया
विज्याहूं।” व मनूनं धाल। “आम बरदान
कया छन्त छु फाइदा ?” गणेद्यःनं डन।
“बरू मेगु हे फवं।”

“मखु प्रभु जितः थव हे वरदान
मा” व मनूनं धाल। “कासा तथास्तु धका
गणेद्यः नं वरदान बिया थकल। कन्हेखुनुं
व मनू हाकनं गणेद्यः सेवा यावन। पाखे
लाकल। “आ हाकनं छु फोने धका वया
धा” गणेद्यःनं धाल।

“खः प्रभु, न्हयागुनं खुसि हाचांगया
वने फैगु बरदान फोने” मनूखं धाल।

“गुजोम्ह खःला। धन सम्पति फों
वा सन्तान फों” गणेद्यःनं धाल।

“मखु प्रभु, जितः वहे बर्दान फोने”
मनूखं जिद्दी यात। “का, म्वाल, छन्त वहे
बरदान जुल” धका गणेद्यः नं धाल।

उखे व मनू न्हिथं वया वरदान फों
वया च्वनि मविस्यनं मजिउ गणेद्यःयाला
याना वल। उबलेनिसे गणेद्यःनं “आवंलि
न्वं वाय्गु मखुत, मैन व्रत च्वने माल”
धका न्वं मवासे सुक च्वना बिल।

“छुं दिन लिपा छगू मेगु देशयाम्ह
छम्ह सापहे सास्त्र सःम्हा धम्हा नांदम्हा
विद्वान छम्हा व मनूयागु देशे थ्यकः वल।

व मनूनं “छिमिताय् शास्त्र सःम्हा
सुदु ? जि नाप शास्त्रार्थ याइम्हा छोया हिं।”
धका व देशया जुजुयाथाय् खबर छोया बिल।
शास्त्रार्थ याना हार जुलकि छगू लाख दां
विड्मा धयागु शर्त तल। जुजुया ला फसाद
जुल।

“भीगु देशे शास्त्रार्थ याइम्ह सु
दु ?” धका थाय् थासे माय्के छोत। वहे
गणेद्यःयाके वरदान कयातः म्हा मनू न्हयोने
वया “महाराज जि शास्त्रार्थ याय्” धका
वल। शास्त्रार्थ याना बुतकि छगू लाख दां
पुलेमालि धयागु खं नं कन। व शास्त्रार्थ
यावःम्हा मनूनाप लाकाबिल। वयाला माक्व
सफूनं ज्वना वया च्वंगु दु तर बरदान
कयातःम्हा मनूया किताव धयागु पुइके सःगु
मखु।

“का, छं न्हापां प्रश्न या” धका व
विदेशी मनूनं धाल।

“का ज्यू हुं सिमाय् गुलि हः दु धा” धका व
मनूनं प्रश्न यात। व विदेशी मनूया दक्व
सफू पुनु पुइका स्वत तर सिमाय् हः थुलि
धाय्गु छु हे नियम खंके मफुत।

“का, छं हे धा” धका व विदेशी
धाल।

“दोःछि पा: हः दु” व मनू नं
तुरून्त हे लिसः बिल।

कासा धका मनूत छोया ल्याखाना
स्वःबले धार्थे ठीक दोःछि पा: हे दुगु जुया
च्वन। व परदेशीला हार जुया जुजु- “यात
छगू लाख दां तया प्याहां वन।

“जिमित सत्तिगु लँ यंका व्यू” धका
व परदेशी धाल। जुजु नं इमित सत्तिगु लँ
यंका व्यू धका बहे मनूयात अहेयाना छोत।
व मनूनं सरासर सत्तीगु लं धका तुरूत हे
तःधंगु खुसि सिथे यंका बिल। व मनून्ला
तुरूत हे खुसि छकोलं हाचां गया पार याना
बन तर व विदेशी वने मफया तोले जुया च्वन
अननं वं हार माने यात। उलि याना व मनू
सरासर जुजुया - थाय् वया: इमित तया
वयागु खँ कन। उगु कथं व मनूनं परदेशीयात
बुका छोगुलि जुजु खुशी जुया वैत जिके छु
काय् यः वकस फों धका हुक्म जुल।

“महाराज मेता जितः छुं हे म्वा।
तुयुम्ह किसि छम्ह फोने व्यू गणेद्यःयात
छाय् धका भाकल याना तयागु यक्व दत्त”
धका व मनूनं विन्तियात। “तुयुम्ह किसि
छम्हा गणेद्यःयात छाय् यंके दःसा ज्यू।”

“वं धा:थे जुजु तुयुम्हा किसि गन
दई धका थासं थाय् माय्के छोत तर लुइके
मफु, गुलिखे थासे माय्के छोत थौं तकनं
माला हे च्वन धाल। लुइके फुगु मखुनी
.....।

उलिचिया बाखथुलि

सचिष्ठत हिंगेगृगु खप पौ. बःछि पौ(पाक्षिक)

मिरखाया परिधिइ जि - छगु वक्तव्य

कवि - पूर्ण वैद

ब्ब ततं थःत -
थाहा थाहा न्हुइक
हुयांयां जुइ जि
मिखाय् शेष जुया ।
ब्बदःगु ह्यंगवाः मि थे
केन्द्रभूत अस्तित्वया घनत्व
केवल मिखा - जि
थःगु हे अङ्ग अपरिचितथे
छचाखेरं तनाः लिहां वयाथे
घुसुहुं मिखाय् पिचः भुनाः
मिखाय् क्यच्याना ।
थिया: पा: फयेके मछाः जि थःत
थव म्हुतु नकिं जायेक तानातःगु मेय्
ल्हवने मफुगु क्वँय् क्वय्या ।
धाये जि, चिच्याय् जुइ मफुगु धाः युगया ।
जि- ल्हाः मदुगु ल्हाः!
यद्यपि सृजना खः ल्हाःया चःति
उपलब्धि खः ल्हाःया चः ति
जि -
तुति मदुगु तुति ।
यद्यपि तुति खः ल्हाँ प्रस्थानया लुखा
प्राप्तिया साधना ।
जिगु ल्हाः, तुति
वाउँ निपूचा धाँय्या ल्यू ल्यू ।
जि तापाक गनं, भाराय् वनाच्वन
सुयां तप्वाः भुतुलिइ तःखाः धवः खनेत
छ्यं थव ला छगः भाजं
भाःपा: सुनां न्ययाः क्यातल थःगु थे
नसा सिइत, न्हिथं न्याइगु भवजय्
खः जि उदिगन, दग्ध
तज्यायेत तज्यायेत, तज्याये मफुगु ।
जि मिखा मुक्कं
थःगु ल्हाः तं त्वफिया सूर्य तज्याःगु न्हिनय्
थःगु हे सासलं सीगु मतया चान्हय्

साबर न्हयगे थे बेस्वाद दिन न्हयया:
धृतराष्ट्रया सभाय्
पासाय् तनाच्वंगु पाण्डवया मिखा
दाउ पिप्पुं आजीत जि
कन्हे वये मफुगु थौंया घेराबन्दी
यद्यपि थव म्वाःगु धःचाः मखु कुम्हाया ।
मिखा ! - पित्तं मपुनीगु
मिखा ! - तिसिइ मफुनीगु
खापाय् कनाच्वंगु प्रतिक्षाया, लसकुसया
कलशया संचित कल्प कामनाया
मिखा ! - चिभाय् लगु लोक चेवाया
अनुभव सत्यया ।
हाकुपि फै बथां बथां बेतोरं दुब्बां वयाच्वंगु चा
तातुना मिखाय् मिखाय् शायद थवया अनर्थता सिद्ध यायेत
स्वःस्वःथाय् ग्वाःग्वाः पःखाः, पर्वःया भीड न्ह्याः वयाच्वंगु लँ
पलाः तयेथाय् मदुपि तुतित -
शायद थवया निरर्थकता सिद्ध यायेत
बलात्कार थौं जिगु ल्हाःतय् च्वंगु सूर्ययात
अनाकृत पञ्जातय् ।
तर- मिखा केवल खविया बुंगाः मखु
धुलं नं खवायेकेफुगु थव कमजोर धकाः न्ह्यागु नं
स्वया च्वनेत ।
मिखा - सः खः सः मदुगु भाषाय् शब्दया असमर्थताय्
छाति हवखनाः नं दुहां वनेफुगु
मिखा - ज्वालामुखिया दम्पवः खः
नुमवासें स्वयाच्वंगु ज्यूत्तले कुँमि घुतिंका ।
जि खना - इतिहासया पानाय्
अन अन हे मि दन खनि
गनगन असंख्य असंख्य मिखां तातुन
निभालं तप्त खँग्वलं यांकयाः तातुं थे
छु मि दने मफु न्ह्याथाय् नं
असहय मिखां तातुं थाय् ?... ? ... ?

(सितु ३१:१०८९)

ख्वप नगरपालिकाया ज्या भूवः त

लायकुया थन्थु दरवार दानयगुबारे छलफल

जठे ३२ गते

ख्वप नगरपालिकाया प्रमुख नपां थन्थु दरवार पुनः निर्माण निर्देशक समितिया कजि सुनिल प्रजापतिया नायोसुई जेठ ३२ गते बैठक चवते ।



बैठकसं नगर प्रमुख प्रजापति जुँ २०७२ सालयात तः भवखाचां स्यंक, थुडः ब्यूगु अपलं महत्वपूर्ण सम्पदात ल्हवनय कानय् व दानयगु ज्या क्वचाय् धुंकगु खाँ ब्याकसे ख्वप नगरपालिकां थुगुसी पुलांगु ख्वप नगरपालिका भवन तयो तःगु थन्थु दरवार ल्हवनय-कानय् व दानयगु ज्या हज्याकय्गु योजना काथं दुथ्याकागु खाँ काडः दिल ।

थन्थु दरवार थुडः मुलयगु इवलय लुयोवगु ऐतिहासिक व पुरातात्विक वस्तु दस्तावेजीकरणय् विशेष ध्यान तय मःगु खाँ ब्याकसे वयकलं थन्थुदरवार पुलांगु भीगु थःगु है मौलिक शैलीं दय्केगुलि पुनः निर्माण समिति प्रतिवद्ध जुगु खाँ ब्याकः दिल ।

बैठक २०७२ सालं स्यंक, थुडः ब्यूगु नगरपालिका पुलांगु भवनया दरबार क्षेत्रय् च्वंगु ऐतिहासिक थन्थु दरवार ल्हवनय-कानयया ज्याया स्वीकृत जूगु नक्सा डिजाइन काथं दानयगु खाँ क्वः छित ।

उगु ल्हवनयगु इवलय लुयो वगु ऐतिहासिक व पुरातात्विक महत्वया संबेदनशील सामग्री तय्गु अभिलेख ख्वप नगरपालिका, जिल्ला प्रशासन कार्यालय भक्तपुर व पुरातत्त्व विभाग, दरबार

हेरचाह तथा स्मारक संरक्षण कार्यालय, भक्तपुरय् सुरक्षित याडः तय्गु खाँ नं क्वः छित ।

उगु बैठक थन्थु दरबार ल्हवनयगु इलय मःकाथंया सुरक्षाया बन्दोबस्त जिल्ला प्रशासन कार्यालय भक्तपुरं याय्गु नं खाँ क्व छित ।

बैठक सं ख्वप नगरपालिकाया उप-प्रमुख रजनी जोशी, स्मारक संरक्षण व दरबार हरचार केन्द्र ख्वपया प्रमुख अरुणा नकःमि, इतिहासविद पुरुषोत्तम लोचन श्रेष्ठ, प्राध्यापक प्रेमनाथ मास्के, ई. सरोज बैद्य पिसं थन्थु दरबारया इतिहास, महत्व व योगदानया खाँत तयो दिल ।

वहे इवलय थन्थु दरबार पुनःनिर्माणया आयोजना प्रमुख विजयराम कोजुं थन्थु दरबारया अःतकया अवस्था व अः लिपाया योजना प्रस्तुतीकरण क्यडः दिल ।

थन्थु दरवार पुनःनिर्माण निर्देशक समितिसं ख्वप नगरपालिकाया जनप्रतिनिधि, जिल्ला प्रहरी कार्यालय, नेपाली सेना, संस्कृतिविदपुं दुथ्यागु खः ।

ख्वपया तालाक्व त्वालय चाया भालाछिङ भाला पाय्गु ज्या मदिकक याडः वयो च्वंगु दः ।



सचिवत हिनेगूगु ख्वप पौ. बःछि पौ(पाक्षिक)

यलया कर्मचारी पुचः ख्वपय्

असार १ गते



ख्वप नगरपालिकाया प्रमुख सुनिल प्रजापति जु नपां यल महानगरपालिकाया अधिकृतस्तरया कर्मचारी पिनिगु सेवाकालीन प्रशिक्षणया पाठ्यक्रम काथं स्थलगत अध्ययनया इवलय् ख्वप नगरपालिकाय् अध्ययन भ्रमण्य भःपुं यल महानगरपालिकाया प्रशासन शाखा प्रमुख सागर थापा नपांया पुचःलं नपा लाडः द्यूगु खः ।

नपालाय् इवलय् वयक पिनिगु दर्थवी ख्वप नगरपालिकां शिक्षा स्वास्थ्य, पर्यटन, सम्पदा ल्यंक म्वाकः तय् गु थजगु लागाय् याडः च्वंगु नवीनतम अभ्यास (न्हू-न्हूगु कुतः) व उगु लागाय् नगरपालिकाय् थवनं लिपाया ग्वसःया खायै छलफल याडः दिल । वहे इवलय् उगु पुचलं ख्वप नगरपालिका पाखं चायकः तःगु ख्वप अस्पतालय् भायो आनानं बियो च्वंगु सेवा सुविधातय् खाँ थुइकः दिल ।

स्वास्थ्य स्वयम्सेविकापुं मुंकलः

ख्वप नगरपालिकाया ग्वसालय जूगु महिला स्वास्थ्य स्वयंसेविका मुनय्ज्या सं ख्वप नगरपालिकाया प्रमुख सुनिल प्रजापति जुं असार १ गते महिला स्वास्थ्य स्वयंसेविकापुं थः हे स्वास्थ्य कःमि व सामाजिक कार्यकर्ता जूगुलि स्वास्थ्य लागा हछ्याय् ता अमिगु तः हांगु लाहा दैगुलिं वयकपिसं जनताया छूँ छूँ वाडः स्वास्थ्य अवस्था थुइकः स्वास्थ्यया खाँ ग्वाकिगु, पुनिगु ल्वय पानिगु, स्वास्थ्य शिक्षा व खोप सेवाख्य बांलागु ज्या याडः वयो च्वंगु खाँ ब्याकः दिल ।

ख्वप नगरपालिकापाखं चायकः तगु ख्वप अस्पतालता जनताया आस्थाया मू थाय् काथं हछ्याड बांलागु भिंगु स्वास्थ्य सेवा वियता बः याडः वयो च्वंगु खाँ ब्याकसे स्वास्थ्य कःमिपिन्ता इलय्-ब्यलय् मः काथंया तालिमत ब्यू ब्यू वानय् गु खाँ काडः दिल ।

ज्या इवः सं ख्वप अस्पतालया स्वास्थ्यया कजि रत्न सुन्दर लासिव जुं छूँ छूँ नर्सिङ सेवा अभ बांलाक यंक्यता वडा नर्सपुं



व महिला स्वास्थ्य स्वयम्सेवकपुं अभ बांलाक ज्या न्ह्याकय् मःगु खाँ काडः दिल ।

उगु ज्या इवःसं भःपु हिंगु तु वडाया महिला स्वास्थ्य स्वयंसेवक प्रतिनिधिपिसं छूँ छूँ नर्सिङ सेवाता अभ बांलाकय् ता थी थी राय -सल्लाहत ब्यूगु खः ।



कृषि तालिम

ख्वप नगरपालिका वडा नं. ३ या ग्वसालय जूगु प्यन्ह्या प्राङ्गारिक कृषि खेतीया तालिम २०८० असार २ गते शनिबार ववचाल ।

सचिव हिनेगृह ख्वप पौ, बःछि पौ(पाक्षिक)

का. रोहित नपां चिनियाँ विदेश विभागया उपनिर्देशक जु

असार २ गते

नेपाल मजदुर किसान पार्टीया नायो भाजु नारायणमान बिजुकछौं (रोहित) जुनपां नेप: या भ्रमण्य भायो दृयूपु चिनियाँ कम्युनिष्ट पार्टी केन्द्रीय विदेश विभागया प्रथम ब्यूरोया उप-निर्देशक स्थू मिन जुं नपालाडः दिल ।



नपालायगु इवलय नायो भाजु बिजुकछौं (रोहित) जुं नेपाल मजदुर किसान पार्टी मार्क्सवाद, लेनिनवाद व माओ विचारधारात पार्टीया निर्देशक सिद्धान्तकाथं क: घाडः वयो च्वाङु खाँ ब्याकसे पार्टीया नां स्वयो पार्टी याइगु ज्या सुख्य ख: धायोदिल ।

नायोभाजु बिजुकछौं जुं नेमकिपाया प्रतिनिधिपिसं चुनाव त्याकगु थास्य शासक जुयो मखुर्से जनताया सेवक जुयो ज्या साडः च्वाङु खाँ ब्याक: दिल ।

नेमकिपा छ्गा अन्तर्राष्ट्रवादी भावना ज्वडः हज्याडः च्वाङु पार्टी ख: । थी थी देया क्रान्तिया खाँ काँकां मदिक्क कार्यकर्ता व जनताता उकिया ज्ञानं ग्वाक, हज्याडः च्वाङु पार्टी ख: वयकलं धायो दिल ।

नपालायगु इवलय चिनियाँ कम्युनिष्ट पार्टी विदेश विभाग

प्रथम ब्यूरोया उपनिर्देशक स्थू मिन जुं नेपाल मजदुर किसान पार्टीया सैद्धान्तिक अडानया खाँ चिकपां बांलाक थूगु खाँ ब्याकसे नेमकिपा नेप:या राजनीतिसं लाक: च्वाङु लिच्चवलं थ: तस्कं लयतायो नुगलय् ग्वाक: च्वडागु खाँ ब्याकसे जनताता हदाय तयो याइगु राजनीति व शासनया अनुभवया खाँ भी नेगु पार्टीया दथ्वी मदिक्क, त्वमफिइक कालबिल याडः च्वनय् मःगु खाँ नं ब्याक: दिल ।

मार्क्सवादया सिद्धान्त छति हे इगिदिगी मसांसे कः घाड जनताया सेवा हदाय तयो ज्या सानयगु चिकपाया नेगु क्वातुगु ध्वासा ख: वयकलं धायोदिल ।

नपालायगु इवलय नेमकिपाया छ्याज्जे प्रेम सुवाल व



केन्द्रीय दुजः सुरेन्द्रराज गोसाईँ जु नं नपां दःगु ख: ।

नपालाय् हाँ उप निर्देशक स्थू मिन जू याता ख्वपया लायकुलि ख्वप नगरपालिकापाखं प्रमुख सुनिल प्रजापति जुं लसकुल याडः दृयूगु ख: । उप निर्देशक मिनजु उगु इवलय् ख्वप अस्पतालय् नं स्व: भःगु ख: ।

कासामिपिन्ता ट्र्याकसुट इडः बिल

असार ३ गते

ख्वप नगरपालिकाया प्रमुख सुनिल प्रजापति जुं ये जुइगु राष्ट्रव्यापी अन्तर स्थानीय तह (यू-१८) मेरय कप पुरुष वास्केटबलया धिंधिंबल्ला सं ख्वप नगरपालिकापाखं ब्वति क: वानिपु कासामिपिन्ता ट्र्याक सुट व गेम टिस्ट -१-१ सेट लःल्हाडः दिल ।

केपु नगरपालिकाया ग्वसालय २०८० असार २ गते न्याकिगु उगु कासासं ख्वप नगरपालिकापाखं कासामिपु इजोन कोजु, रिन्चेन डोर्जे डोड, सुजल खड्का, सुबिन बस्नेत, प्रसुन मल्ल, स्वनिल द्विष्ठि, गुञ्जन ताल्चा भडेल, स्वर्णिम, दिष्टी, सफर बासु, रोकिस भुजु, सोहम प्रधानांग व असिम त्वानावासु पुं ब्वति क: वानिगु खाँ



ख्वप नगरपालिका युवा तथा खेलकुद समितिया कजि श्यामकृष्ण खत्री काडः दिल ।

सचिव हिनेगृह खप पौ. बःछि पौ(पाक्षिक)

खप नगरपालिकाया नगरसभा उलेज्या

असार ६ जाते

खप नगरपालिकाया हिंपकगु नगरसभा नेपाल मजदुर किसान पार्टीया नायो भाजु नारायणमान बिजुकछु (रोहित) जुं उलेज्या याडः दिल ।



ज्या इवः सं नायो भाजु बिजुकछु जुं नेपालय संसदीय व्यवस्था असफलता पाख्य् वाड, चंगु नपां दे भन भन दुर्गति जुयो वांगुया जिम्मेवारी शासक दल याय्‌पु हे खः धायोदिल ।

खप नगरपालिकापाखं चायक तःगु कलेजत थःहे विश्वविद्यालय थें च्वंकःचायकः तःगु खाँ प्वंकः दिसे वयकलं शिक्षक व छवनामिपिनिगु स्तर च्वजायके फःसा शैक्षिक लागाय तसिकं बांलाक हज्याइगु खाँ काडः दिल ।

वयकलं देया दथु आद्ग थजगु अर्थतन्त्र विदेशी पूँजीया लाहातय लाडः चंगु दः। भारतीय एकाधिकार पूँजी गुब्ले हे नेपः देता स्वतन्त्र अलय थःगु तुतिख्य् दांक्य् बिइमखु धायो दिसे ल्यासे ल्याम्हो पुं छवनामिपिन्ता देया राजनीति बिस्कं तय मज्यूगु, भीसं इलय हे ल्यासे ल्याम्होपिन्ता देशभक्त याय् मफूसा अपलं ल्यासे ल्याम्होपुं विदेशय् वानिगु खतरा काडः दिल ।

राजनीति शास्त्र, अर्थशास्त्र, भूगोल व इतिहासया अध्ययनय् खपपया न्हाँगु पुस्ताता मन व्वसायके मः गु, न्हाँगु बस्तीसं नक्सा पास याई बलय् पार्किङ व्यवस्थापनया नियम नं तयो यंकसा खप दे अभ नं बांलाइगु खाँ नायो भाजु बिजुकछु जुं धायोदिल ।

नेमकिपाया छ्याञ्जे तपाँ संघीय सांसद प्रेम सुवाल जुं नेमकिपाया कार्यकर्तापिसं सडक्य् वा त्याक वांगु थाय् (निर्वाचित निकाय) न्ह्याथाय् हे वासां देश व जनताया इमानदार जुयो सेवा याय् खः धायो दिसे खप दे ता यचु पिचुक, अभबांलाक

छाय्पियो सांस्कृतिक नगर दयकः तय् भी फुक्क सिया मंकः तातुना खः उकीं खप विश्व विद्यालय विद्येयक पारित याक्यता भीसं संघर्ष न्ह्याकः च्वडा धायोदिल ।

वयकलं पार्टी जनसहभागिता दुथ्याकः आर्थिक अनुशासन व मितव्ययी काथं उपभोक्ता समिति पाखं न्ह्यकनय् स्वयथे पारदर्शीयाड विकास निर्माण ज्या क्वचायकेगुलि बःबियो वयागु खाँ नं कुलदिल ।

वयकलं संघर्षा १७ खर्ब ५० अर्ब २१ करोड बजेट्या खायैं प्रतिनिधि सभासं छलफल जुयो चंगु खाँब्याकसे सांसद पिनिगु सुभावत छपा न्ह्यपतं न्यडः मेगु न्ह्यपतं पिता छवयो मन्यनिगु नेलातक जुइगु बहसया छुं नं अर्थ मरुगुधायो चाकलीं विरोध जुयो चंगु खाँ कुलः दिसे भीसं सांसदपिनिगु सुभाब काथं बजेट ल्हवनय् मःगु (संशोधन) खाँ बः याडः वयो च्वडागु दः धायो दिल ।

‘राजश्व छलय् याडः मपुसें, ज्वयकिगु ज्या अपलं दयोवल । ऐनसेलया पूँजीगत लाभकर काय् मफूगुलि स्वम्हा प्रधानमन्त्री व स्वम्हा अर्थमन्त्री दुथ्यागु खाँ प्याहाँ वल । नेपः मि पिन्ता नक्कली भूटनी शरणार्थी दयकगु खराब सहकारी संस्थाया सञ्चालकपिसं बचतकर्ताया अरबाँ तका धेबा ज्वडः बिसेवांगु, शेयरया कृतिम (थमनं हे) थाब्बा क्वब्बा यागुलि प्रधानमन्त्री व अर्थमन्त्री जूपिनिगु हे लाहा दःगु खाँ सियदयो वगु दः । मुक्ति श्री



कम्पनीक्य् ४ अर्ब स्वयो अपः धेबा व सिनर्जि कम्पनीक्य् ३ अर्ब स्वयो अपः राजश्व काय् मनि । तः तः हाँगु अद्गया राजश्व काय मफूगु डासगु स्वयो अपः फाइलत ल्यं दः नि । उकीं तातुं थें राजश्व मुनय् मफूगु खः’ संसद सुवालं धायो दिल ।

सचिवत हिनेगृह ख्वप पौ, बःछि पौ(पाक्षिक)

मवगुलि राजनीतिक न्हयलुवा व आर्थिक व्यवस्थाया कमजोरी याडः खः धायोदिल ।

वागमती प्रदेश सभा या नीति व ज्याइवः छ्यलिगु पक्ष तस्कं फ्यासुगु व विश्वास याय् थाय् मरुगु नपां प्रदेश सभासं प्रजातान्त्रिक अभ्यास मरुगु खाँ नं वयकलं काडः दिल ।

प्रदेश मः लाकि म्वँ धाय् न्हयसः थांक्यगु ज्या शासक

दलपिनि पाखं हे जुयो च्वंगु खाँ कुलः दिसे वयकलं राजनैतिक नैतिकता खय् वगु सद्कट्याडः देशय् भष्टाचार व अनियमितता भन भन अप्वयो वगु खाँ ब्याक दिल ।

प्रदेश सभाया दुजः सूजना सैजू ख्वप दे थौया अवस्थाय् थ्यंक्यगुलि नेमकिपाया न्हयलुवापिनिगु तःहांगु लाहा दःगु खाँ न्हिथाँसे न्हूगु पुस्ताया सेवासं ख्वप नगरपालिका अजनं नुगः ब्वसायक हज्याइगु विश्वास प्वकः दिल ।

ख्वप नगरपालिकाया नीति व ज्या इवः बांलागु लिच्चवः

लाक छ्यलय् फयमः धायोदिसे वयकलं सरकारय् वांपु शासक पिसं बजेट छगू नीतिगत भष्टाचारयाय् ज्या भः याडः च्वंगुलि दे भन भन सद्कट्या स्वतिपाययेख्य् लाडः वांगु खाँ कुलदिसे नैपःया बुई ज्यासाडः नैपुं किसानतय् अवस्था तस्कं कनाचायपुसे च्वंगु अलय् बजेट नपां थमनं दय्के मफयो कतः या गवाहाली कायो दय्किगु, ब्यापार घाटा व गलत कर नीतिं याडः दे भन भन गालय् दुँ दुँ वाडः च्वंगु खाँ नं काडः दिल ।

पर्यटनता उद्योगकाथं हछ्याय्ता ख्वप नगरपालिकां बिचः याय् मःगु सल्लाह बिसे वयकलं ख्वप नगरपालिकां सहकारी संस्थातय्ता ख्यै छैगु थाय् व सेवाया लागाय् छ्यय्के फःसा अजः बांलाइगु सुभाव नं बियो दिल ।

ख्वप नगरपालिकाया उप-प्रमुख रजनी जोशी जुं ख्वप देया संस्कृति मूल्यमान्यता, धरोहरया अनुसन्धान व अन्वेषण याडः न्हूंगु पुस्ताता लः ल्हाय् ज्या मदिकक न्ह्याकसे ख्वप देता



ज्ञान विज्ञानया मुथाय् द्यक्गेगुलि भी न्ह्यलुवापिनिगु तहांगु लाहा
दःगु खाँ कुल दिल ।

ख्वप जिल्लाया प्रमुख जिल्ला अधिकारी खगेन्द्र प्रसाद
रिजालजुं ख्वप मोडेलया तः लागु ज्यायाता चवछायो दिसे अजनं
बालाक ज्या सानय् फ्यमः दक भिन्तुना देछासे ख्वप नगरपालिकाया
सुशासन अध्ययनया मू थाय् काथं जूयो वगु खाँ काडः दिल ।

सचिच्छिदालिपाया ख्वप दे धात्थें ख्यक स्वयत्ता अः अपलं
पिय म्वालिगु बिचः प्वकः दिसे वयकलं ख्वप देता ज्ञान विज्ञानया
मूथाय् काथं हछ्याय्गु ख्वप नगरपालिकाया तातुना पू वांकयत्ता
प्रहरी प्रशासन ख्वप नगरपालिका नपां मंकः ज्या सानय्गु खाँ
काडः दिल ।

त्रिभूवन विश्व विद्यालयया सहप्राध्यापक विश्व मोहन
जोशी जुं हिंप्यकगू नगरसभा तः लाय्मः धायोदिसे शिक्षा,
संस्कृति, स्वास्थ्य व थी थी पुरातात्विक सम्पदात त्यकः म्वाकः
तय्गुलि ख्वप नगरपालिकां याडः च्वंगु ज्या जनप्रतिनिधिपुं व
नगरबासी पिनिगु मंकः कुतलं बालाक, भिंकः पूवांकय् फःगु खाँ
काडः दिल ।

उगु उलेज्यासं वडा नं. ९ या वडाध्यक्ष रविन्द्र ज्याख्व
जु व ख्वप नगरपालिकाया प्रमुख प्रशासकीय अधिकृत विजय
कुमार शर्मा जुपिसं नं न्वचु तयो द्यूगु खः ।

ज्या इवः या मू पाहाँ नेमकिपाया नायो भाजु नारायणमान
बिजुक्छँ (रोहित) जुं ख्वप नगर दुनय् मापदण्डकाथं नियमित रूपं

सचिच्छित हिंगेगूगु ख्वप पौ. बःछि पौ(पाक्षिक)
छँ दांपुं 'निर्माण सम्पन्न' या दसि पौ कःपु ख्वप नगरपालिकाया
वडा नं. ३ या इन्द्रकाजी शिल्पकारता ७५,१३७।-, वडा नं ६ या
हेल बहादुर दुवालता ४,२३,१९।-, वडा नं. ४ या उपेन्द्र भक्त
तिमिला व ऋषि केशव भक्त तिमिलाता १,६८७९।-, वडा नं.
२ या सुरेश बहादुर कायष्ठ व सुवर्ण कुमारी कायष्ठता ३,७८,५२७।-,
वडा नं २ या सुजित बहादुर कायष्ठ व सुवर्ण कुमारी कायष्ठता
३,३६९६।-, वडा नं. ४ या रण बहादुर छुम्याकीता १,६२,७२८।-,
वडा नं. २ या राजेश चन्द्र प्रधानाङ्गता २,८२,०७।-, वडा नं
६ या कृष्ण भक्त चाँगु भारीता १,५०,६९।-, वडा नं. ७ या
बलराम तचामोता १,०४,४८।-, वडा नं ६ या अष्टमाया मुलगुथिता
२,७४, २९।-, वडा नं ६ या अर्जुन नेपालता १,९४,३१।-, वडा
नं ४ दिलिस खाइतुता २,४०,९३६।-, वडानं १० या बलराम
सहिकर्मीता २,९५,८३।-, वडा नं ५ या मैयाँ देवी लोहलाता
५,५५,३३।-, वडा नं ५ या मोहन केशरी सुवालता ७,९५,२२।-,
वडा नं २ या रीता दुवालता २,४२,६७।-, वडा नं ५ या सतिश
कुमार धौभडेलता १,७७,२७।-, वडा नं २ या केशव लघु व
लक्ष्मी केशरी लघुता ८,४६,१४।-, वडा नं ५ या बिजुली
सिंबञ्जारता ५,८२,८२।-, वडा नं ९ या पूर्ण नारायण ज्याख्वता
१,५४, २७।- व वडा नं २ या कृष्णराम दथेपुथेता १,१०, ७२६।-
तक दां सिं, अपा, पोलहँ अपा या अनुदान काथं लः ल्हाडः ब्यूगु
जुल । उगु धेबा मुक्क २१ म्हासिता ६४,७२, ३९० तका दां
अनुदान काथं ब्यूगु जुल ।

ख्वप नगरपालिकाया हिंप्यकगू नगरसभा सुरु

असार ६ ज्ञते

ख्वप नगरपालिकाया हिंप्यकगू नगरसभा बुद्धबारनिसें
सुरुजुल । उगु नगरसभा ख्वप नगरपालिकाया प्रमुख सुनिल
प्रजापतिया नायोसुइ च्वंगु खः ।

नगरसभा उलेज्या धंकः च्वंगु उगु औपचारिक बैठक सं
वयकलं नेपाल मजदुर किसान पार्टीया नीति निर्देशनता गथे खः
अथेहे पालना याडः देश व जनताया निःस्वार्थ जुयो सेवा याय्ता
ख्वप नगरपालिकाया जनप्रतिनिधिपुं न्ह्याब्लैं हदाय च्वडः ज्या
सानिगु खाँ काडः दिल ।

बैठकं आ.व. २०८०/८१ या लागिं ख्वप नगरपालिकाया
बजेट पिब्बडगु ऐतिहासिक नगर सभाया उलेज्या यासे जनप्रतिनिधिपुं
व कर्मचारीपिन्ता लाँपु क्यडः दयूम्हा (मार्गनिर्देश याडः दयूम्हा) मू
पाहाँ नारायणमान बिजुक्छँ (रोहित) जु, न्वचु तयो द्यूपुं विशिष्ट
पाहाँ पिन्ता दुनुगलं निसें सुभाय् देछायो दिसे सुभाय प्रस्ताव पारित



यात ।

(नगर सभाया मेगु बैठक असार ८ गते शुक्रबार न्हिनय्सिया
१:०० ताइलय् च्वनय्गु याडः (स्थगित) दिकु यात ।

सचिव हिनेगृह खप पौ. बःछि पौ(पाक्षिक)

खप नगरपालिकाया नीति व ज्या इवः सर्वसम्मतिं पारितः

असार ८ गते

खप नगरपालिकाया आ.व. २०८०/८१ या नीति व ज्या इवः सर्वसम्मतिं पारित यात । खप नगरपालिकाया प्रमुख सुनिल प्रजापतिया नायोसुई चंगु शुक्रवारया बैठकं हिण्यकगु नगरसभाया बैठकं वैगु आर्थिक वर्षया नीति व ज्या इवः पारित यागु खः ।



सभा सं नगरप्रमुख प्रजापति जु नीति व कार्यक्रमया छलफलय् न्हिथांगु जिज्ञासाया खाँ स्पष्ट याडः दिसे सभासं वगु सुभावत नगर व नगरबासीपिनिगु भिं जुइगु काथंणा दःगु खाँ काडः दिल ।

वयकलं नीति व ज्या इवः बांलाक छ्यलय् खाँ व्याकसे खपया माथांक विकास याय् ता नगरया हिंगूतु वडाय् माथां वांकः बजेट छ्यलय् लिइकेगु बिचः प्वंकः दिल ।

नीति व ज्या इवः सं जूगु छलफलय् १० म्हा सभासद्विप्रियः थः

बालविकास सहजकर्ता तालिम

असार ११ गते

खप नगरपालिकां सामुदायिक व संस्थागत बवनयकुथिया शिक्षिकापिन्ता नेन्ह्या वालविकास सहजकर्ता (इसिडि) तालिम गवसः रवगु जुल ।

तालिम न्ह्याकसे खप नगरपालिकाया प्रमुख सुनिल प्रजापति जु शिक्षाखय हज्यागु समाज फुक्क लागाय् हज्याइगु खाँ व्याकसे बवनयकुथि भौतिक संरचना स्वयो शैक्षिक गुणस्तरता बः बियो देशभक्त नागरिक बवलांकय् मः धायोदिल ।

‘खप नगरपालिकां बवनयकुथि व शिक्षक पिनिगु माग काथं तालिमत बियो वयो च्वांगु खाँ व्याकसे शिक्षाखय् यक्क हे लिपा लागू खप नगरपालिका अः देया दकलय् च्वजःगु गन्तव्यस्थल काथं हज्यायफःगुलि थानाया बवनयकुथिया मेहनत खः’ वयकलं धायो दिल ।

सामुदायिक व संस्थागत बवनयकुथिया दथवी मणाकसे यंकय् तातुड नेगुतां उथिंयकः हछ्याय् तातुडः खप नगरपालिकां ज्या साँ सां वयो च्वांगु खाँ व्याकसे वयकलं बवनयकुथिया जगं निसे

थः गु बिचः प्वंक दिल । ज्या इवः सं सभासदपु मञ्जुमैयाँ लाखा, हेरा ख्याजु, रामसुन्दर बासी, तारादेवी शाक्य, कृष्ण सुन्दर प्रजापति, नारायणप्रसाद त्वानावासु सर्यप्रसाद श्रेष्ठ, कृष्ण प्रसाद चौण्गुठी, इन्द्र बहादुर प्याथ व गोविन्द दुवालं सहकारी संस्थाया सामुदायिक विकास कोष समुदायया भिं ज्याखय् छ्यलिगु विश्वास प्वंकः दिल । खप अस्पतालय् सिटी स्क्यानया व्यवस्थाया लागिं मथां ज्या न्ह्याकय् मःगु प्लाष्टिकया पलि मेगु व्यवस्था याय् मःगु, व्यायामशालात व्यवस्थित याय् मःगु स्वयम सेवक शिक्षकया व्यवस्था याय् मःगु, कृष्णपिन्ता महवचा व्याजं धेबा त्याय बियमःगु त्वनय् नाः या लिपाथ्यंक समस्या ज्यंकय् नीति दयःके मःगु बिचः प्वंकः दिल ।

नगरसभाया उगु बैठकं नेपाल मजदुर किसान पार्टीया हानयबहम्हा नायो भाजु नारायण मान बिजुक्छँ (रोहित) जु या तिरिमयजु नपां नेपाल क्रान्तिकारी महिला संघया उल्लेया केन्द्रीय दुजः नपां महिला न्ह्यलुवा का. शोभा प्रधानया थौ असार ८ गते न्ह्यांगु दाकिला लागुलिं वयक्कया लुमन्ति १ मिनेट मौन धारण याडः वयक्कया लुमन्ति बिचः हायकल ।

नगर सभाया मेगु बैठक असार १० गते आइतबार न्ह्यनय् सिया १:०० ताइलय् च्वनय् याडः दिकु यात साः उगु बैठकय् खप नगरपालिकाया आ.व. २०८०/८१ या बजेट पिछवयगु ज्या इवः दःगु नं खाँ काडः दिल ।

बल्लाकय् तातुडः ‘बाल विकास सहजकर्ता’ शिक्षिकपिन्ता तालिम वियगु खाँ काडः दिल आ.व. २०८०/८१ या बजेटय् खप नगरपालिकां हदाय तयो अध्ययन अनुसन्धानता बः बियागु खाँ नं वयकलं काडः दिल ।

खप नगरपालिका वडा नं ५ या वडाध्यक्ष नपां विद्यालय अनुगमन व प्राविधिक समितिया कजि योगेन्द्रमान बिजुक्छँ जु बवनमिपिन्ता बवंकय् ज्याखय् छुं गतां हे लापर्वाही व बेवास्ता याय् मज्यूगु खाँ कुलदिसे थौ या मच्चात कन्हेया भविष्य जूगुलिं अमिता मेहनत याय् मः धायो दिल ।

ज्या इवः या सभाया नायो नपां आदर्श आजाद मा.वि / कलेजया प्राचार्य श्रीकृष्ण किसी व खप नगरपालिका शिक्षा शाखा प्रमुख कृष्ण प्रसाद कर्मचार्य जु पिसं तालिमया तातुना व कायमगु छाय् धाय् खाँ काडः दिल ।

खप नगरपालिकाया गवसालय जुगु उगु तालिमसं खप नगर दुनयया १२ गू बवनयकुथिया १२ म्हा शिक्षिकापुं व्वति कःगु खः ।

लायकुया थन्थु दरबार दानयता बैठक

(२०८० जेठ ३७ गते)



खप नगरपालिकाया आ.व. २०८०/८१ या बजेट पिवळ

(२०८० असार १० गते)



**ख्वप नगरपालिकाया हिंप्यकगु नगरसमा न्हूयात
(२०८० असार ६ गते)**



**ख्वप नगरपालिकाया नीति व ज्या इवः सर्वसम्मतिं पारित
(२०८० असार ८ गते)**

